

皇明兩朝疏抄

皇明兩朝疏抄卷之十六

邊事類

嚴開馬市以絕邊患疏

楊繼盛

臣以南京吏部驗封清吏司主事考滿到京陞臣今職有
蒙 皇上眷育簡用之恩雖粉骨碎身何以克報况臣官
居兵曹職專馬政觀此開馬市之議豈敢苟避禍患隨眾
隱默不言竊惟去年胡虜悖逆 天道大肆猖獗犯我城
闕殺我人民擄我妻子焚我廬舍驚我 陵寢其辱我中
國極矣臣在商都轉聞此報冠髮上指肝腸寸裂恨不能
身生兩翼飛至都下以刺逆賊以報 國讐茲者恭遇

皇上赫然震怒選將練兵剋日興師聲罪致討以報百萬
赤子之讐以雪城下凌辱之耻不惟天下臣民共相慶幸
我列祖在天之靈亦相慶幸多矣及臣至都下見僉叅
求開馬市之書大放肆無狀竊意上觸聖怒其征討之
志已決其問罪之師斷不可已及廷臣會議題奉欽依
准暫開行臣不覺仰天大呼喟然長嘆曰國事乃至
此哉國事乃至此哉夫以漢之武帝唐之太宗不過二霸
主耳猶能威震夷狄氣壓突厥以皇上之英武國家
之全盛英雄豪傑勇夫壯士之伏于草莽下位者又不可
勝數其蠢茲胡虜反不能生擒酋長剿絕苗裔而乃為此

不得已下策之事哉臣請以開馬市之士不可者為
皇上陳之夫開馬市者和議之別名也屬素賓服尚不可
言及此去年入寇殺擄如此之慘則神人所共憤不共戴
天之深讐矣今不惟不能聲罪復讐而反與之為此和議
之事何以上解 列祖之怒下舒百姓之恨乎此忘天下
之大讐一不可也信者 人君之太寶雖匹夫匹婦尚不
可少失信義況于 天子之尊哉 皇上北伐之命屢下
臣民所共知四夷所共喻者也方今各處兵馬集矣糧草
器械備矣天下日夜引領仰望 王師之興真若大旱之
望雨也乃翻然而有開馬市之議則平日之所以選將練

兵者為何備糧草精器械者為何不有以孤百姓仰望之心乎此失天下之信義二不可也 人君居中制外統馭四夷以其有 國威之重以屈服之也今以堂堂 天朝之尊而下與犬羊為此交易之事是天壤混淆冠履同器將不取笑于天下後世乎此損 國家之重威三不可也天下豪傑聞胡虜殺戮人民之慘遂擄婦女之辱其忿恨不平之氣皆欲與逆賊決一死戰雖深山窮谷之隱逸亦願出以復天下之讐今馬市一開則舉相謂曰 朝廷忘赤子之讐厭兵甲之用矣將焉用我哉將見在林下者不肯出在冊籍者將謀去矣異日欲復召號誰肯興起此陳

豪傑效用之志四不可也自去歲大變之後天下頗講武
事雖童之儒生亦知習兵此機既動兵將日強馬市一開
則舉朝謂曰中國夷狄已和天下已無事矣將焉用武
哉有邊鎮之責者曰弛其封守之防無兵戎之寄者益惰
其偷安之氣矣廢弛既久一旦有急何以整頓此懽天下
修武之心五不可也宣大人民懷攜二之心久矣一向雖
有交携之事猶畏王法之嚴而不敢自肆也今馬市一
開則彼之交通者乃王法所不禁將來勾引之禍可勝
言乎此開邊方通虜之門六不可也天下人民憚于水旱
征役之苦人人有思亂之心特畏國家之兵威而不敢

變動也今馬市之開則彼皆以為天下兵威已弱蠢茲醜
虜尚不能服群起為盜又焉能制則將來腹心之變可勝
言乎此起百姓不靖之漸七不可也去歲胡虜深入雖未
見一兵交戰然猶以為我軍倉卒未備其疑畏之心尚在
也今皇上聲罪致討調兵半年及至于今止為馬市之
開則彼得以窺我之虛實矣目中又奚有乎我哉此長胡
虜輕中國之心八不可也犬羊之性變詐無常謀深計
巧反出我之上我將欲以此羈縻乎彼殊不知彼實以此
愚弄乎我哉遣重臣載金帛至邊等候開市彼違約不來
交易未可知也或因交易而即行猖獗撞關而入未可知

也或今日交易而明日入寇未可知也或遣衆入寇而駕
言別部落入寇未可知也或以疲馬而過索重價或因市
馬而過討重賞或市馬之後而別有分外不堪之求又未
可知也是我不能以羈縻乎彼彼反得以愚弄乎我矣此
墮胡虜狡詐之計九不可也胡虜之產馬有窮 中國之
生財有限大同之馬市一開宣府延綏等處定不可罷以
馬與銀數計之每年市馬約數十萬匹四五年間須得馬
數百萬匹每年約用銀數百萬兩四五年間須費銀數千
萬兩一旦胡虜之馬已盡 中國之財告乏將安處乎永
久之計將安在乎此 中國之財胡虜之馬而難相繼十

不可也彼倡為開馬市之議以欺誑 皇上者其謬說不
過有五有曰外開馬市暫以為羈縻之術內脩武備實以
為戰守之計耳殊不知馬市之開乃所以自羈縻乎我非
所以羈縻乎彼也虜性無厭請開馬市之後或別有所請
許之再有所請又許之請之不已漸至於其不堪者一不
如意彼即違約則彼之入寇為有名我之不應其所求為
失信矣孰謂太平無事之故可以市馬之小利羈縻之乎
如曰欲脩武備以圖戰守雖不用此羈縻之術亦可矣此
其說之謬一也有曰方今急欲馬用正欲買馬一開馬市
則我馬漸多彼馬漸少豈不兩便然市馬非以之耕田馭

車也不過為征虜計耳如交易果可以無事則市馬又將安用乎不益重其寄養之擾乎況虜以馬為生彼安肯以自乘之良馬而市於我乎不過瘦弱不堪之物不服水草將不日俱斃而已此其說之謬二也有曰初許市馬暫係乎犬羊之心將來許貢則可為永久之計夫謂之進貢者豈古所謂咸賓來王者哉不過我賄彼以重利苟免目前之不來彼貪我之重利暫許目前之不來耳況市馬我猶得以少償其費許貢則彼白手來取重利矣是市馬則獲小利而無名聞貢則雖有名而費大市馬固不可許貢亦豈可哉此其說之謬三也有曰虜雖犬羊最不失信觀其

聲言某時搶某處再不愆期可驗彼既許其市後不來則斷保其再不入寇殊不知虜之種類日繁加之以擄掠人口日增其日用之服食器用俱仰給於中國市馬之利馬足以盡供其所費彼非盡皆義士孰肯守小信而甘于凍餒以至于死乎縱使少有羈縻不過暫保一二年無事耳不知二三年之後將何如處哉此其說之謬四也又有曰佳兵不祥不可輕用與其勞師動衆征討于千里之外而勝負難必孰若暫開馬市休兵息民而急修內治之為上乎噫為此說者是損國家之仁威養虜寇于口盛壞天下之大事必有此言始矣若曰佳兵不祥則舜之征苗

文之遇苴湯之伐葛伯豈四宗之伐鬼方豈盡皆不祥者哉
蓋春至秋殺之迭行上天生物之道也恩賞兵刑之並用
王者御世之權也譬如人身四肢俱皆癱疽毒日內攻乃
猶專食膏粱而憚用藥石將不至于傷其元氣乎此其說
之謬五也夫此十不可五謬之說明白易知則馬市之開
不利于我 中國明矣而于虜賊則其利焉蓋數十年來
虜賊以 中國之百姓為佃戶秋後則入而收其租雖以
得計猶有徃來奔走之苦日夜殺人之勞也去年入寇莫
敢與敵虛實既已覘矣故今請開馬市則可以坐收 中
國之重利况馬多捕自 中國者春時草枯則市之秋後

馬肥則入而再擄之及至來春又再市之以輪迴之馬獲
青蚨之利是昔日彼猶以為出門討租之人今日我則為
上門納租之戶臣言及此其憤恨可勝言哉夫此事利于
虜賊而不利于中國滿朝臣工皆知其不可然有人敢
議而行之無一人敢非而止之者何哉彼議而行之者其
意以為征討之事已難收拾虜再入寇皇上剛明必追
究夫謀國者之不忠專征者之不勇悞事之禍何以能
免况前日交通已有成效莫若委曲致開馬市猶可二三
年苟延日後時事未知如何且暫免目前之禍暫固目前
之疆虜縱背約再為脫逃之計未晚也然不思皇上所

原缺

虜之畏乎我亦猶我之防乎彼則上而祖宗萃其下而臣民萃其

慶夷情疏

霍翰

自土魯番攻陷哈密我金印據我城池屢年經畧未見
底定今西番求貢尚書王瓊譯進番文一十餘紙俱裔夷
小醜之語無印信足徵之辭則土魯番未有悔罪之實可
知也彼未悔罪遽許通貢恐我心益驕後難駕馭而邊患
愈滋可虞者一也哈密城池雖稱獻還而無番文足據不
知後日作何興復或者遂有棄置不問之議夫土魯之無
道也圖我哈密久矣我遂棄置不問彼愈得志將劫我罕
東誘我赤斤掠我瓜沙外連北狄內擾甘肅而邊患遂博
矣可虞者二也牙木蘭者土魯番腹心也擁帳二千遠來

款塞彼乃不知也安知彼非詐降以餌我他日犯邊則
曰我納彼叛人彼不歸哈密也自是哈密永無興復之期
矣彼叛衆益大而我之邊患愈無休息矣可虞者三也牙
木蘭之降也廬餽口食仰給于我費已不小矣猶曰羈縻
之策不得已也若土魯番擁衆叩關曰取彼叛人也将驅
牙木蘭而與之也彼則詭曰降也以抄生也今出則死而
不肯去將從而納之也恐為內應而有肘腋之憂土魯番
擁兵于外牙木蘭為變於內即甘肅危矣可虞者四也或
曰今陝西荒僻甘肅孤危尚虞不保雖棄哈密可也臣則
曰保哈密所以保甘肅也保甘肅所以保陝西也若曰哈

密難守則棄哈密然則甘肅難守亦棄甘肅可乎因棄甘
肅并棄臨洮寧夏可乎西北二邊與虜爲隣退尺寸則失
尋丈是故疆場棄守之議不可不順也甘肅去年銀一錢
易粟四升今銀一錢僅易粟二升矣軍士空腹救死不贍
在甘肅且凜凜何有於哈密臣曰此則戶部之罪也昔我
太宗皇帝之供邊也悉以塩利其制塩科也塩一引輸邊
粟二斗五升是故富商大賈悉于三邊自出財力自招遊
民自墾邊地自藝菽粟自築墩臺自築堡伍歲時屢豐菽
粟盈至天順成化年間甘肅寧夏粟一石易銀二錢時有
計利者曰商人輸粟二斗五升支塩一引是以銀五分得

鹽一引也戶部乃變其法凡商人引鹽悉輸銀于戶部間有輸粟之例亦屢行屢止且雖輸粟亦非復二斗五升之舊矣商賈耕稼積粟無用遂徹業而歸戎虜入寇一遭兵創生齒日遂凋落邊方日遂困敝今千里沃壤莽然蕪虛稻米一石值銀五兩然則欲足邊糧莫善于 太宗皇帝之鹽法矣戶部何為而不行乎臣曰輸粟於邊則利歸邊民若輸銀於戶部則利歸戶部今戶部之徵鹽銀也計銀一萬加耗千兩若行輸粟之令則戶部失耗銀之利矣是故謹守弊法而不肯復 太宗之令典也此皆臣愚博采衆謀復相辨詰過不自揣其為狂瞽者如此伏惟 陛下

勅問兵部土魯番叩關求貢有何印信悔罪書文哈密
池城作何興復牙木蘭來降其誠其偽作何料理務出萬
全之策勿墮狡戎之謀詎勅戶部止蘭邊糧累年缺乏
若何而為目下賑救之策若何而為經久饒贍之策并畫
上聞臣愚且見中國莫安萬世永賴矣

振紀綱以綏四方疏

胡經

臣聞文以定治武以勘亂明王張弛之大道賞以酬勞罰以懲逸馭世鼓舞之大權故仁義並用而政事和恩威懋著而人心服恭惟 皇上御極以來承 聖祖神武之威新 列聖弘文之治彛倫叙而父子君臣之位定典禮秩而堯舜周孔之道明是故海宇絃頌筆門俎豆中土之民至有老死而未見兵革者固宜邊戍效忠夷狄率德乃大同之卒呼聚稱亂至戕殺主師偪逐撫臣以自外文明之化亦虞之苗商之扈矣邇蒙 皇上赫然震怒亟諭征剿真乃文乃武 大聖人哉蠢茲窮寇殲決有日乃復誘引

胡虜數萬餘騎衝斥突入直抵叛城與之接援我軍腹背受敵衆寡殊勢以致解圍左次幸而胡虜以草枯不能久駐復自解收河套以圖其後此正天奪其計而使我軍得為之地也臣愚無知竊意今之憂不在叛卒而在強胡今日之罪不在強胡而在叛卒易曰復霜堅冰至言所由來者漸也始以正德年間召入邊卒為親兵而勢橫因得窺中兵虛實而氣驕至殺撫臣殺裨將則叛形露矣乃復貸不治若必謂王法無如我養成變固其所也臣切思歷代養兵之厚無如我朝一農所獲不足以供一軍之需近雖散犒愆期要亦當事者之責而朝廷養之恩

固世世也乃敢據我城廓弄我利兵資我糧餉脅我良民
塞我王師是其滔天無赦之惡臣不願與之俱生也然
此特釜中魚肉少頃更其安足上勞聖慮哉獨惟胡虜
自我高皇帝驅逐之後文皇帝迅掃之餘其休息
今日有餘年故部落蕃盛弓馬精強勢則然也我國家
承平日久上不習戰將不閑兵城堡不修火煥欠明虜來
則遠避虜去則佯追以是習為故事歲復一歲求欲無大
舉互寇如今日無已也臣本商人不諳北事然竊料此虜
雖強備禦有方亦無有人患也何居臣聞不掉之尾起于
中乾風邪之疾危於內虛今際幸聖明在上群賢布列

根本之地敦大強固有同磐石雖遭變而不虞特氣數之少
慳耳夫夷狄猖獗自晉唐而宋幾千有餘歲至入主中
華翻天覆地之變極矣幸而天壓胡虜篤生聖祖盡
驅而蕩滌之今甫百六十年仰觀天道俯察人事豈此
虜能復躑躅時耶雖然天下事無恃彼之無患而恃我之
有備易曰童牛之牯慎其微也頽豕之牙握其機也蓋微
慎則早見而預待機握則用力要而成功易今虜寇交作
譬則人之一身外感內傷未可謂非疴疾也良醫羅步則
遐齡之徵萬一輕視而徐徐云吾不知所生矣臣職叨近
侍心切過憂謹條陳戎討賊上事忘昧為
陛下陳之

一曰定 聖謨以成大計二曰設大將以一紀律三曰益
將兵以格賊勢四曰重將權以肅軍威五曰善召募以責
實用六曰重陞賞以勵人心七曰略微過以便展布八曰
時糧膏以徙士馬九曰崇正議以安將士十曰嚴閑隘以
防奔潰臣竊惟 陛下一身天地神明之主也 陛下一

心萬化闔闢之源也故君志定而後天下之治成孫子曰
未戰而廟筭勝者得筭多也夫大同者兩陲之藩籬六鎮
者西北之要害撫晉者天下之春督無大同則宣府之勢
牽無宣大則六鎮之兵樞無六鎮則西北之民危而東南
無安枕之期矣伏願 陛下俯救一方之溺兼收群士之

策乘焰燄之方張絕炎炎之無已雖號四方之丘費太倉之粟耗府庫之財不得已也不得已而為之是為應兵應兵者強易曰田有禽利執言曰知微知彰知柔知剛其斯之謂乎夫大將三軍之司命社稷靈長之寄也故漢高拜韓信于行陣而七國服宋祖命曹彬為都部署而江南平是兵之有大將猶指之有臂臂之有身身之有心伸縮進退惟心之一運而已邇者命憲臣為制使遣武臣為帥夫亦為備邊設也今擁眾直入至號七萬則非常虜矣集兵四萬亦為討叛賊計也今虜寇相援眾寡莫敵而負固援強則擊後也獨且奈何哉矧而貴不相使

謀猷之下豈無異同臣會今日大將誠不可不設也待之不可不重也求之不可不慎也必其智足以識微量足以容物謀足以成務望足以壓衆如古裴度曹彬其人可也使四方耳目收觀易聽以將軍自天而下亦陛下神武之大節也臣聞今之邊患一虜挾弓十夫披靡虜騎至萬望風退守此正近時怠弛積弱之弊者也聖祖定中原江上卒耳大皇帝北伐土兵耳是故虜不自奮存乎時將不自任存乎君今之邊臣專以討賊則有必克之日燕以禦虜恐難兩顧之勢且今所集者四方兵耳若外攘內攻則非十數萬兵不可伏乞陛下俯從群臣所薦中外

所服者添設為制使督師與張瓚卻永軍表裏相濟一專
于攻賊一專于防虜而兩軍將士悉聽大將之命庶乎統
紀一而無忌彼顧此之患血脉通而有此失彼得之助故
曰成大事者不恤小費弭近憂者必多遠慮古之立將也
君親操斧鉞而授之柄將拜命曰君不許臣臣不敢將于
是軍中之事皆由將命故曰從此上至天下至淵者將軍
制之故 朝廷之上惟在責將不在責策將得其人則凡
安危之計攻守之畧呼吸變化自有機度所領者予奪生
殺降拜調度之權悉以付之而無以專使以行之而無待
于請如 先朝之任靖遠伯王驥是也則智謀勇鬪軍

氣自勵庸寇不處乎矣募兵之道六曰貴別二曰貴精
三曰貴速四曰貴靜五曰貴聰六曰貴厚因能任器謀勇
並收大者居上小者居下之謂別選壯招勇可詐可貪可
挾可溢毋使懦弱之濫與勢豪之依附之謂精春氣漸青
鷹將復至矣即今而計亦已遲矣遲而復緩猶拱手徐行
而救人焚溺之中足以無程督謀朝募夕俟以赴軍門之
會之謂速邊鄙之可以樂戰而輕死饑饉之民重食而輕命
故因地呼號者不出而重集因饑收納者不煩命而子
來使今之將若禹之行水也行其所無事也則地方不憂
而行伍充民濟晏安而強壯用是之謂靜遊食之民性同

飛鳥見利則趨利獲則走勢之所必有者于是編行伍明
分教彰連坐之法定士牙之制如古千夫長之謂聯七尺
之軀父母妻子之養相戢墳墓之憂誰則無之今一旦驅
之戰冒鋒鏑擲霜露伸非恤其身家多其犒賞其肯為
國家出死力耶是之謂厚夫正義授命正士之忠立功要
名中材之心而酬勞報功則人君勸獎之盛典也是故千
金之下必有死士書曰功疑惟重非重于功也不如是不
足以勸天下之心伏願 陛下本兵備查 先朝北征故
典定為賞格著為定令以極大將大將以示諸將士如是
而人心不勵臣未之信也昔鄧禹漢名將也一將出關輒

為赤眉所敗光武畧而益任之卒佐興漢業功首諸名將
蓋以兵家勝敗固常事也伏願 陛下鑒功過之並使畧
得失之細故無拘文法從以權宜征西將士張膽直氣無
復瞻顧之患矣兵者國之衛也食者兵之命也用其力而
先奪其命敗之屯也乞 勅戶部大加計度時其飛輓裕
其糧草使軍門調度給散之有餘斯萬民之幸也是故佚
之而後可勞酬之而後可撥生之而後可死史曰千里饋
糧士有饑色夫士而且饑其孰與戰哉武王曰予有臣三
千人惟一心蓋心一而後言同言同而後力齊力齊而後
戰勇大同之變或撫或剿前此猶可說也今日之事有討

而已矣易曰得其大首獲非其醜仁義無用之謂也蓋首
從別則賊心二而力孤玉石分則良善安而德溥然必威
行而後恩可施勢窮而後力乃屈故將欲生之必故死
之文武闔闢之機也切念天時人事此賊已漸失所據矣
大兵衝之不北走羗胡則南走中原近蒙陛下分遣諸
將益守各關誠豫防之道也仍乞嚴加勅責將有潰
賊若干人者必戮擒賊一人者同賞要害鎖鑰則此賊逃
無所匿匿無所止大同之俘馘不日且獻矣然此固大畧
也若夫運量之妙攻守之策雖以老將如趙充國者尚不
敢為漢遠度以取金城况弱質綿力未學軍旅如愚臣敢

致啄哉然臣之食 陛下之食之也臣之身 陛下之成
之也目擊狗鼠之跳梁心切犬馬之報效僅不以臣言為
狂妄而加葑菲之采則天下臣民之福也臣不勝恐懼待
罪之至

平政令以定危疑

曾忭

竊見遼東守臣奏報遼陽軍士變狀及兵部覆議經畧事宜反覆思惟無任驚愕仰惟聖明御極禮備樂和天下臣民咸望至治而邊鎮之兵一紀四叛雖於聖德無所缺損而咸和之化胡可為醇速變激亂固撫臣之過而軍士悍傲輕干變背胡可為順紀綱法度至於淪斃胡可為立人心抗捏鼓之易搖胡可為固此臣之所以日夜疚心者也然以廟謀廷議當有為國家深長思者故不敢妄有陳說近觀兵部先後覆題則不免于懲咽廢食之過也臣等敢遂終言之臣聞天下之勢如權衡然平則物情

得而爭奪息幾微輕重之間則低昂懸叛矣 國家大鎮
凡七而叛者五方豈其撫鎮皆不肖哉蓋姑息之弊滋而
偏重之勢成也今縱不懸壺圖而善反之豈可復助其勢
而益昂之乎以臣愚論之呂經奉 命拊循不能宣布
德威迺重法厚斂以發豪端罪誠不可辭然巡撫者

天子所命大吏也自當士視之則亦有冠履首足之分即
其舉措少乖而 國家紀綱法度固森不可亂迺今驅逼
而拘繫之無異小吏然甚至鼓衆閉關呼噪稱叛此可謂
非罪乎縱今不能明法正罪以杜驕悍固宜平議而均治
之矣兵部迺過懲于大同之故遂不復為 國家長久之

計不待勘報即懸斷而建議之夫巡撫越牆而避繁都司
本軍士逼逐而拘置之也則曰畏法懼罪意有所待鼓衆
呼噪擅閉城門罪迹已彰也則曰數數哀求原無他意至
於欲免查屯田則與免查欲更置巡撫則與更置庇其罪
而深為之辭惟其意而莫之或逆於撫臣則厚文周內惟
懼弗深於軍士則曲隱旁飾惟懼弗恐失輕重之倫忘久
大之患長驕悍之氣滋邊境之憂計非所以為安也臣等
愚不知大計然竊以為今日之事異於大同亦遠矣夫大
同之所以敢行叛亂者其事有六高城深池以守則固一
也多積厚聚餉給不匱二也隆冬沍寒我兵不耐三也鼠

伏 親藩庇同城社四也外隣強虜急可撓援五也厯積
稔惡累叛無憊六也夫賊有此六恃而我又以不習之兵
寡謀之將臨之此賊之所以怙終為叛而我之所以師久
無功也遼陽遠在廣寧三百餘里邊城節鉞士馬精銳厚
餉積芻堅甲利器悉在廣寧遼陽僅一副總兵分守之地
有兵不過五千芻糧仰給遠師外城池高廣僅半大同附
近諸夷則東為朝鮮北為朵顏海西毛憐諸衛皆 國家
冠帶效順之國歲時稱貢之臣非若北狄強黠無忌世為
中國仇盜者比也夫外無強虜之援內復鮮 親藩之比
大同六恃無一有者也是故聞門呼噪而終不敢有他者

專門之裔必明經之儒必精算之上臣於三者無類焉蚤
夜不遑固知攸措然於治曆之法畧聞其槩矣古今善治
曆者三家一曰太初二曰太術三曰授時太初之曆以鍾
律太術之曆以著策授時之曆以晷影曆以鍾律而起固
正也然聲氣之元不易求曆以著策而起固善也然操扐
之數有一定惟以晷影而就日之體測之臺忽微秒不可
得而遁矣元史所謂自古及今推驗之精未有出于此者
顧豈誣哉今欲正曆而不登臺測影臣竊以為皆空言臆
見也伏望 陛下以欽天地而授人時為重乞可御史朱
節之奏 賜臣中秘所藏有關曆學之書及 國朝曆志

准臣親督曾 奏改曆中官正周濂等及疇人子弟內掄
選詣曉本業善手書算者及今冬至之前詣觀象臺候春
晝夜推測日影赤道黃道中星分秒日記月書候至來年
冬至以驗二十四氣二至二分日月交食台朔弦望併日
躔月離黃赤二道及昏旦夜半中星七政躔紫氣月孛羅
喉計都等類視元辛巳委有所差備錄 上之仍 勅該
部延訪四方之人如能知曆理之楊子如善立差法之邵
雍如靜深巧智之許衡郭守敬今其參別同異重建曆元
詳定歲差以成一代之懿制可也方今天下涵沐 聖
化之中豈無其人哉臣雖不佞或可執一籌以備驅策也

正名罪愼舉用以杜姦萌疏

曾忭

近該鎮守太監王純等題稱據廣寧軍民人等狀告呂經
苦害軍民十一事乞轉奏 皇上欽處施行再乞聖總
兵官邵永侍郎周叙前來撫安等因又該兵部題奉

聖旨呂經已有旨革職閑住了還着錦衣衛差官校齎駕
帖拏解米京問理袁璘并地方有罪人犯都着巡按御史
查提問擬來說韓邦奇也不必去吏部另推可以撫靖地
方的兩員來着欽此臣等伏讀 明旨仰見 皇上好生
不殺懼權達變推誠矜物與古之聖人寧失不經同一至
仁也臣等敢不將順以紓 至懷惟 九重嚴遠 君門

萬里遠城變故之狀軍士驕悍之罪臣工憤懣之氣不徹於
聰睿者猶多也至 陛下所親者又皆危城之疏一
偏之語議者且復抑揚輕重于其間 陛下何所度衷而
裁之乎傳曰庸受之愬智者惑焉文致之罪即臯陶之德
以為有餘辜矣今日之事非賴 陛下之聖明公虛洞燭
鎮靜遐思若遽聽邊臣之奏從軍士之請則所以處此又
不獨如今矣近有山海關守臣帖報兵部開稱本月二十
五日呂都御史進謁寧總兵勸說不必久住軍士恐生他
變呂經不從二十六日叫寫字進各軍聞知云你將我貼
了不與又將銀減半今還寫本害我各呐喊撞鍾打鼓

齊人將都察院門打開擁入將呂經遍身踢打肘鎖送
又將都察院井文卷盡行燒毀着總兵太監奏本討

赦等因臣等於兵部借觀之凡知危城之疏未可盡信壘
蔽之弊不可不深察也何也蓋危城諸臣寄命軍士白刃
在前死生在念苟可以免於戮辱則蒙蔽之罪無愛矣故
先後奏詞所以伸彼抑此者非有所恩怨厚薄之也自全
之道在于此也且今之官府所得行威虐者以 陛下之
委任權久在已也呂經奉 命取回則權任固奪矣縱欲
為虐誰復與用命者況其受侮遼陽濱死者屢彼縱自愧
寧復不畏死耶若曰徃政之虐則遼陽已發之苛政刻令

御史又悉除而更之矣此其為情亦大可察也夫今日邊境之禍平心反本而論之撫鎮苛刻之過軍士驕悍之習國家數宥之積三者實相因而成之是酷吏亂卒厥罪惟均法固不得以輕重之也 明旨已下 命使已行呂經之罪臣等不敢復言矣至于軍士之多辜不正名晰義以昭示天下竊恐姦雄之竊咲而亂臣賊子之接迹也嘗聞按鼠者忌罟狐穴于城則灌者避焉何也以其所托者重也巡撫者 天子所命大臣也即其有罪 朝廷法度明典固在也軍士誠聲于 朝 陛下英明剛果其治經猶腐鼠耳豈當以麾下小卒輒自倖辱如此且聞其髮鬚

之說者皆有煩言何張皇至是耶此謂有急之形以為急
耶則 皇上嚴旨以責其治兵矣而司兵柄者未見兵之
所以治責其備糧矣而司計者未見糧之所以備不理其
事而推求之闕故力雖勤而功愈塞萬一有驚則秋期迫
甚下邊之勞顧可以空言退耶此謂坐緩之實臣等謹以
邊防之大勢先為 陛下陳之夫兵也者氣也故先治兵
氣先于飽其氣今萎而積弱氣之不揚甚矣臣等每以厲
事而諸將遠之人率拱手蹙額謂莫之敢撓臣等雖其罷
驚竊笑其說之卑也夫括虜部而周數之大約僅二十餘
萬而以駭悍自怙者惟吉囊與俺荅阿不孩二部共七萬

人竊據河套為我門庭之寇耳其餘如亦克罕之荒昏伯
思罕台吉之庸瑣固皆鼠子也我兵無論外郡環邊關者
四十餘萬矣衆寡之分固已不論若整我節制之師驅彼
嗜利易駭漫無紀律之虜一獸負六百群皆奔矣况伏
聖天子之明威以臨之哉將謂虜之獷狽猶豺虎之不可
禦虜信豺虎也然執豺虎而屠之食其肉而寢處其皮者
獨非人乎哉蓋智勇並用必非徒勇者之能當也若去秋
平定嵐石之寇是又入莽之獸耳以孤懸之虜深入千里
之地內不知經幾嚴已越幾險阻使聞外有人縱不能迎
敵奮擊以揚我軍威亦必堅壁清野以銷其鋒時出掩擊

本心哉特事如此將來亦大可見矣夫旬日之間中外三
變雖大小或殊固可以覘人心無畏也如此尤謂法令為
行紀綱為立此非愚則謬皆非審事實知治亂之體者也
往歲寬大識者常逆推今日之事告陛下矣今且有左
驗矣群臣猶玩忽不戒直為是煦煦以華目前之安不
知泰亂之變將自誰遣也無亦意國家舉事之難乎臣
請得而言之昔唐中葉京師再離玄德播遷天下多故蕃
夷雲擾故藩鎮之臣乘敝而起憲宗發憤創往振累世之
弱簡賢練衆信賞必罰果斷博謀卒之淮蔡底定諸藩再
敘赫然稱中興焉然此猶可諉曰是代事也臣請證諸

本朝者正統間大虜入寇直犯京城駐兵德勝門之外
可謂危急矣而叛賊葉宗流等六七人者又皆乘時並起
各擁衆數萬據土稱王七省之間騷然震動內外交變視
此萬萬烈矣而廟謀先定群工效忠卒之醜虜悔禍叛
賊悉平期月之間天下晏然方今聖明英武群哲勵翼
豈異祖宗之時本兵乃獨為數十小卒掣肘結舌竟不
出一語以問罪人此臣等之所以未解也近又傳聞當事
之臣議欲聽軍士之請以周叙代韓邦奇巡撫夫陛下
所以罷邦奇不遣者蓋察邦奇非輯寧才故欲易之此固
陛下知人善用之意非因軍士之請而欲以叙更也當事

之臣過為承望遂欲以叙往如此又何異唐時藩鎮之
耶昔臧武仲以防求為後於魯孔子曰以為要君蓋廢
予奪君上之操也軍士得請而廢置之則是主上之柄
操在士卒太阿倒持非所以為順也且將來邊鎮效尤紛
起以請陛下從之則難繼不從則軍士固有辭矣失

體損威尤莫有大焉者此尤臣等之所扼腕不平者也伏
願陛下勅下兵部再加詳議特遣大臣一員前去查勘
務得真正守惡數其罪而責之以昭示天下無得即聽邊
臣取二三小卒苟且了事及勅吏部別推廉靖大臣一
員往代巡撫毋得輒聽軍士之請遂以周叙往以肇將來

廢置之端則未盡之法猶有存者庶幾可以示後而昭來也若或冥頑不悟首惡不斂陛下問罪興師言順名正勝負曲直非所與論矣昔成湯居亳與葛為隣葛伯放而不祀湯使人問之曰無以供犧牲湯使饋之牛羊又不以祀湯又問曰無以供粢盛使亳衆往為之耕有童子以黍肉餉葛伯殺而奪之湯遂伐葛夫始以柔恤之仁也終以兵征之義也是故天下咸服而後世稱聖今陛下所以寬大兩鎮者無亦成湯牛羊粢盛之饋將以昭吾仁也萬一兩鎮冥頑不服首惡不斂則陛下神武震怒必赫然加之終不免于葛伯之征矣夫葛伯隣國耳罪止于不祀

乃殺一童子而已而湯卒征之今軍士固 國家世蕃臣
僕罪浮于葛伯已甚 陛下庸肯盡宥之乎 聖謨淵深
或出于此固非臣等所能測識然而不能已於言何也誠
激于中不能自已也今中外臣工私相告語罔不憤然為
國不平然不以告 陛下者彼自計其身得事 陛下之
日遠或十餘年近或三四年非罷即死耳自辛身榮親顯
使 國家漸安無恙彼得以安食坐享以遂其肥家保妻
子之計即他日安危責固不及也誰肯為 國家出長治
之謀畫久安之策以自取踈棄之罪哉臣等誠愚昧狂戇
妄論大同事至今大同之民怨入骨髓即大臣亦惡臣為

異已讒毀構議無所不有賴 陛下天地之恩曲賜保全
日夜思惟冀效涓埃以荅 高深而 聖恩深重仰報無
由又兵戎邊鎮實臣該科之責非若異科事自有司存忘
其愚陋復陳覲縷臣等非不知養默足以自全緘口足以
和衆然如負 陛下何此臣之所以萬死而不敢默也且
今日邊境屢叛屢 赦誠恐習久而民安殆將忘其為非
以叛逆為當然倡亂為常事未復知有上下名分之辨紀
綱法度之防積習成俗恬不為異水流風靡日深月甚雖
陛下大聖人以教化隄防之未易挽而回也今建議諸瑣
瑣千紀綱法度之論若常談迂說話 陛下聰明者然使

天下聞之凜然知大義之不可干正議之不能容扶世弱
教折亂賊之萌是故素可少也 陛下容而聽之又使知
陛下之舉動體權達變一時濟艱之策諸臣所論則守經
持體萬世不易之常雅以濟變經以詔後固並行不悖也
昔孔子作春秋取二百二十四年之間亂臣賊子而筆誅
之孔子非不知死者之不可追而空言之無補也然而不
已者蓋誅死者于既往所以戒生者于將來孔子固為後
世慮也故孟子曰孔子成春秋而亂臣賊子悞然則今日
論諸之論又安可盡廢哉伏乞 聖明俯賜洞鑒天下幸
甚邊鎮幸甚臣等不勝懽懽

杜牧夷以安中土疏

張栻

頃者日本國差來進貢使人宗設等與後到一起宋素卿等在於浙江寧波府地方互執詐偽相與讐殺因而橫肆抄掠戕殺官民一時巡察備禦等官坐視恬然任其逸去節該鎮守太監梁瑤巡按監察御史歐珠陳德鳴先後報到臣等聞之相顧驚愕竊惟外夷入貢我國家者有常法其來也接之以禮其叛也示之以威其所以自為備固不以逆順為之疎虞也日本國僻在東海舊號倭奴自漢魏之際已通中國俗尚貪狼頗知用兵唐攻百濟白江口之戰大受挫衄以有日本為之強援其在勝國時

卷之六

六

六

許其互市。陳釐數十。示其不難。而
所欲燔焚城郭大肆。使賊無所不為。
餘萬死於海島。還者僅三。而人盡
凶狡之性。往往出沒海洋。窺伺中土。
劫殺為事。不得則陳其方物。以
民財。朝貢則利。國賜則有。待不得則利。利不在其後。
奴之大情也。故。太祖高皇帝洞燭其奸。乃洪武壬午
及十四年。兩鄰是。實徵人。移陝西。四川。各等。事。居住。仍
著之。祖訓曰。本朝雖明。實詐。皆。理。拜。臣。謀。為。不。斷。故
絕之。夫。聖。祖。之。於。四。鄰。實。明。雖。而。其。大。將。必。為。之。備。

微稽顙

關廷顧茲小醜時犯海道用此於山東淮浙閩

廣沿海要害去處列置衛所及所設總督把總巡哨等官

又專設巡視海道副使一員并都布二司堂上官往來督

視所以備禦之術可謂周且遠矣宣德之末復來稱貢

朝廷不逆其詐燕賞豐渥相載而歸蓋墮其計中矣正統

中入我大嵩犯我挑渚屠殺蒸庶血流成川或得孕婦相

與剝剔計其女男以為賭酒之具或縛嬰兒于柱沃之沸

湯視其啼哭以為笑樂其為荒淫穢惡不可勝言前吏部

右侍郎楊守陳論著其害取為深切讀者隕涕乃今二起

夷虜相繼到來既曰譯得宗設等舡隻人口數目差異又

稱譯得宋素卿等勘合係應銷繳而未銷繳之數遞相訛
訛至於數日則是各官已稔知其隙情態矛盾法應預防
況在彼無兩貢之例在此無而是之理真贗未分強弱
已判譬之群六百十相聚主之者所宜別其牢檻嚴其羈
縛然後可保其無彼此吞噬之虞一失措置未有不信信
而爭傷及人類者也然照巡視海道按察司副使張芹提
督市舶司內官監太監賴恩布政司右叅政朱鳴陽都司
署都指揮僉事張浩等均承委注慣弊因循議處未定而
今素卿之盤敎慢藏啓竊瞰之奸逆狀已形而聽宗設之
謝罪當面甘愚弄之術避地觀望恣賊縱橫謀未展於一

蘇杭幾延於而由望波府衛及備倭巡捕一應誤事人員
倉皇失措孰能自全先事未能協心以隄防臨期不能併
力以剿殺遂致賊黨奔逸莫之誰何翱翔海濱為患叵測
苟或赦而不問何以謝橫死之生靈或默而不戮何以警
積年之偷惰通合據法查究創文後來及照日本國最爾
海夷利觀中夏先年使者肆為不道荷我 聖天子仁聖
曲賜優容茲以讐殺我內地謂宜檄諸夷之甲與問罪之
師但慕起使人國王無罪且其國與朝鮮琉球諸夷俱係
不征之列載之 祖訓聖謨洋伐之不梓勝之不武伏
望 皇上勅下禮兵二部作急計議備行淮浙閩廣鎮巡

等官凡沿海要害去處如遇前項夷船到彼就便督發官軍併力截殺仍行浙江鎮巡等官將見獲夷黨宋素卿等譯審明白取問罪犯緣由宋素卿先年潛從外夷人數重賂逆瑾脫網生還宗設人衆俱係從逆賊徒罪在不赦通合正之典刑以昭天朝之法以嚴夷夏之防但其中間容有出于脅從非其本意亦須分別等第量遣情輕數人歸諭本國以示好生昔漢之燕石誼辟或棄珠崖或謝西域垂之史冊為世美談况倭奴記謫情態具有明驗若更許其通貢是利彼尺寸之微損我丘山之重其于

聖祖垂訓之意不無背馳尤望 皇上震赫斯怒絕約閉

關永斷其 朝貢之途毋徒敝所恃以事無用此非臣等
區區之私見實沿海億萬生靈之心也其一應誤事人員
并死事方面劉錦及官吏軍民人等被殺緣由仍 勅該
部及行巡按御史作急備查奏 請大昭賞罰以示勸懲
毋得通同隱蔽責有攸歸臣等又訪得寧波紹興等處間
有一種無賴潛從外夷誘引作奸如宋素卿者實繁有徒
合行出給榜文於各該地方張掛曉諭遇有前項無賴踪
跡可疑許隣里首告官府不時覺察即便擒拏家屬從重
究治庶幾 中國之勢常尊外夷之侮少禦而五兵不試
萬邦咸寧凡沿海生靈得以共享太平之休無窮矣

陳膚見以贊修攘疏

王燁

竊惟夷狄之為中國患由來久矣而猖獗之勢比年滋甚夫聖主當陽正四夷來王之會而冥頑醜虜顧敢於悖驚若此意者上帝赫怒故矯其心梏其魄假手於我聖武之君一肆芟蕩以貽聖子神孫萬億年之安乎不然何驟矚我疆土虔劉我人民而猶狡焉不已其侵軼之心耶邇來陳遜將練兵繕壙蓄糧之議者章滿闕庭皇上亦多俯賜採納付之有司矣但今日廟堂之殷憂在於斯臣民之共憤在於斯西北之遺黎洶洶焉不能朝夕在於斯畢收群策以成一勞永逸之功正皇上宵旰

至意也臣子苟有所見皆當敷瀝悃誠以備采擇况臣等
以言為職又安敢畏陋自嫌僭冒是惧徒習循默無所陳
納以效此欵欵之愚乎盖天下之事貴于謀定而濟之以
實古豪傑之臣不動聲色而應猝敵難常有餘力者由此
道也謀之不定緩急之間一失其分而公事去矣宜急而
緩則渙散頽弛無以備不虞古語有之早則資舟水則資
車以待乏也况涉河乏舟行太行之車乎宜緩而急則張
遑迫遽而反乖于事理有急之形坐緩之實則今日攘禦
之計恐不能不動 聖慮耳以為緩耶則募兵買糧內外
切責固宜此外有繕通德倉糧之議者有欵京師畜產

半拔體無完膚袒裸牽繫游示通衢此何等刑辱耶雖經
所自致如 朝廷何經不足道獨不畏 陛下耶臣等請
得數其罪夫執俘撫臣殘 天子命吏罪一焚燬公廨擅
閉城門罪二欲易撫鎮則執名易以請要君廢置罪三既
執撫臣乃以狀訴先發後聞罪四詞曰請轉奏 皇上而
不具姓名傲君無上罪五決堂陛之等倒首足之序裂名
分之防蔑視 王章輕玩 憲典罪六此豈薄於呂經者
哉若不獲真正元惡數十人數其罪而責之則將來軍士
無復嚴憚自是 國家紀綱愈不立法令愈不行邊境效
尤循環而動 陛下之憂日滋以大矣兵部議曰軍士被

毒雖淺積怒實深中間恐有三五姦徒幸禍乘機鼓扇愚
軍者若曰無與于軍而二三奸徒為之是欲示勘官意也
勘官職在地方志幸苟安而廟堂所議又復云然他日
不過誣執二三乞兒丐子鍊鍛成獄以報陛下以姑塞
明詔如此胡不直宥悉赦之猶不使無辜被茲刑戮也臣
等近又看得巡按御史曹達題稱臣奉命巡視居庸關
四月十九日赴教場閱操見行伍紛亂喧囂不肅弓不知
操上馬輒墜廢弛殊甚欲據法行罰却被官軍人眾環坐
號呼大噪不服臣惡激變只得姑息夫御史陛下觀風
之臣搏擊之司也今其為詞乃此等軍其為情亦甚畏矣豈

以牽其四掠候其去而集虛陣以尾之（驍騎而左之右）之夜則多鼓鉦聲以震之或銜枚以襲之（晝則多張旗幟）以疑之或據險以激之或閉其泉源牧地以困之乘其困極而殲之虜固遺我之獲也乃一籌不展使得以呼（肅跳）梁而去此志士之扼腕而憤懣焉者也雖然忘羊而補牢未為晚也臣等恐牢之敝而羊愈觝逸耳夫秦晉之民古所稱尚氣槩勇力敢決者也今宜勇而反怯者有三弊焉勢之分也法制之束之也心之攜也何謂勢之分聚數寸之鐵以為椎可以擊堅而無缺引而寸之則弱堅可以伸之撓之聚四十萬之兵以厭虜鮮不靡（者然環數千里之）

邊分戍之而聚焉者蓋寡矣及寇之來則又分其兵于其
處按伏其兵于其處應援其兵於其處防禦時零隔越正
所謂小敵之堅大敵之擒矣況虜騎之來無慮數萬而諸
將所領僅止三千雖使孫吳頗牧復生無可為者故不為
往昔楊琳孔瓘溝之敗賊則為近日丁瑋石湖嶺之覆沒
勢則然耳是蓋以竊發之禦大舉不知因勢變通之過也
竊發之禦兵不得而不分其防多也大舉之禦兵不得而
不聚其勢重也臣等謹按東自柴溝迄邈至靈州以西無
處非套賊竊窺之徑然大舉之衝則有二焉東犯應朔順
聖等處則大同其衝也西犯平固環慶等處則花馬池其

衝也大同固為重鎮臣等請增戍於高山聚落二堡以
為之翼其次則偏頭武鴈門之兵所當扼花馬池
近固知所重矣臣等請以固原總制叅遊等官移鎮彼地
更增戍于安定柳楊二堡以為之翼其次則定邊興武之
兵所宜整訓焉寇東侵則聚重兵于大同以遏其衝高山
聚落之兵應之偏頭武鴈門之兵又應之如勢重不可
支則宣府左援延綏右援寇之寇西犯則聚重兵于花馬池
以遏其衝安定柳楊之左應之定邊興武之兵又應之如
不可支則又延綏為左援右寧夏為右援若延綏則大
同花馬池之援亦如之其深入則省府之兵與州邑之

民兵又協應之不以非我
地而求兵以坐觀不虞出
境而返轅以自適如是則
聯絡之勢固矣不但已也賊
於東則西兵偵探虜帳之
近近虛實而遣死士以擣其巢
穴賊於西則東人偵探
虜帳之遠近虛實而遣死士以
焚蕩其種孽進畜如是而
羽檄紛馳而延調于戎裝
而去則若之何是在重總
之素浮則臂指之使首尾
或輕重以自擾緩發而後
何是在衝擾偵探者之賞
給而使之必明必信則所謂知
制鎮撫之事柄而使威令信義
之應無不如志矣擣角可也設
仇二者皆取敗之道也則若之

戰之地知戰之日而我得勝筭矣奇正分合有定策而無
定形翁張連棹勢在我而不任敵何有于不腆之虜蓋守
寸而守之不若振其吭之為要端端焉以防其擊固不若
批亢擣虛之為得勢也此今日經畧之要機也若以為固
原之鎮未可以議遷而花馬池之懸隔天可以易守臣等
請以往事明之延綏之兵昔駐延德而虜橫今遷榆林虜
勢逼者正得扼吭之策也雖然如法制之東何哉兵也者
將之利器也將也者國家之利器也今之馭兵以折軍之
法嚴諸將領夫兩軍相擣鋒鏑交加不死則傷今禁將領
之折軍是不欲軍之戰也乎今之馭將若謂寧拙守無巧

戰一有驍果之將出邊牆數步則持其後者得以開邊釁
議之而何敢言搆賊巢穴耶是不欲將之戰也乎夫戰之
與守交相為用言不戰而守者是示怯且損勢也是故有
虜兵無勇將無勇制率皆遲迴顧望以偷生免罪為得計
養成偷惰欺慢之風以銷縮其肅勃敢勇之氣是猶持大
阿惜其鋒禁不擊賊也此猶可言也至於摩抑頓挫持將
士以一切剪剪之法使不得搖其手何哉蓋豪傑之士率
有俠氣不可繩檢故古人見怒哇則式之見螳螂斧欲擊
則避之此意可想也今呼甲冑之士如奴隸而又舞文弄
墨以審其防欲勇敢之不變為怯弱不可得也且今之文

主固將昭軌物引綱維以作法于下者猶或自越於禮法之外而乃以剪剪之法持百死一生之將士不惟無以作其氣亦恐無以服其心也臣等請除禁謀償軍邀功浪戰者固赦若有雖折軍而奮勇克捷雖出邊而具有成算者悉從寬假以開放其鬱鬱擊虎搏之心除貪殘刻軍逗遛失機者固赦餘悉簡節疎目治之無責其成律無持以苛細以長養其投石超鉅曳柴掉鞅之氣則沿邊將士不戰而勇增百倍矣雖然又如人心之攜二何將之與兵相倚為命者也故可與之生可與之死可與之赴水可與之蹈火而後可以言戰守是何也恩之有以結其死心威之足以

制其死命故也今諸鎮之兵素以忠勇著者延綏一鎮而
已其餘不索糧而旅譟則憚役而狂駭甚至執主帥加不
逞焉紀綱之不振義方之不屬至此極矣為之師者平居
諄諄翕翕以取歡猶恐變生不測也安望驅之鋒鏑之間
出死力哉是故一事姑息煦之如兒子而彼不以為恩友
疑阻焉臣等以為是不難存乎其人耳宋宗澤之撫揚進
岳飛之撫張用彼皆劇賊也皆稱干戈與我為仇讐者一
入營勞來而即戴之為慈父卒效之死力况邊土世受
國恩寒餒事育之資皆仰鼻息于我而上下之義分森然
猶在孰謂終頑意不可懷來耶得若人焉明之以信義事

之以心腹有經有紀不震不懼則恩之無不感威之無不
畏耳將歌舞涕洟喜其來悲其晚矣若謂積疑已深恐不
得而威之臣等則謂無名之惠適以生阻而有恩之威足
以招携何則誠偽之分也且養戰士如蓄獷犬然終日發
縱指示以馳搏狐兔則精神鼓舞各盡技能而大有獲也
不然則安疲樂怠惟嗷嗷待食於人且釀成驕悍之氣搏
噬人矣五代廂軍驕甚動生反側而宋祖以一劒治之遂
帖然定者此明懲也若延綏之兵獨以忠勇著而獨有艱
于衣食抑揚勸率之道似或闕焉至于治兵備糧孰不以
為至急矣但臣等所謂不理其本而末之圖者有說焉今

之議治兵者清戎募兵一策而已以清戎言之清解雖勤而通二繼踵徒衝吏胥之橐為生民一重擾耳况風土不諳甲冑不勝而無濟于用乎以募兵言之往年大同之變蓋常召募而罕有應者縱有之則見伍之軍不敷支給而新募之兵將何犒餼耶此皆不審事實為空談者也今之議蓄糧者不曰京倉挖運則曰例外發銀言挖運則飛輓之費不貲而京倉之儲有限言發銀則粟價翔踊鎰為銖用雖竭帑銀以輸邊譬之以填海也况軍士所急需者芡粟耳芡粟生居磬積金如山易用哉夫然後知漢臬錯實邊實粟為有見之言固可務一而兩得者也傳曰有人此有

土有土此有財今邊境荒蕪條沃壤盡棄人散財匱又矣何
司計者不立根抵久遠之圖耶人將謂屯政之壞由於法
之廢臣等則謂必盡習舊法而後屯政可舉耳何也利歸
於下則不戒而人情樂於趨法持於上則愈嚴而事體漸
以弛故寬大之政達人尚焉而況於荒蕪寒瘠之地尤宜
施也臣等聞往年邊帥豪戶壟壘俱席不惟封其私圖而
且便於公糶不惟太車小負為庾廩之充而架梁防護尤
足為悍圉之固瑣見者不欲利之遺於下也於是清屯勘
地之疏紛紛焉今日追屯糧明日丈屯地正德初年寧夏
之變以此鼓衆怨而遂歛然起矣擾之以弗靖持之以大

急夫然後人情散而地荒地荒而糧乏糧乏而人益攜今
邊民之日就凋瘵且甘心叛為虜用者七亩來豈一日耶
言之至此誠可惋憤臣等乞 皇上渙發 明詔沿邊壤
地有能佃種者無論軍民無拘籍貫無限頃畝悉與為業
永不徵科其壯夫健卒有可耕之力無可耕之資者官仍
量給種具三時藝獲仍督令遊騎更番巡邏以防剽劫將
官墾藝廣者兼得多蓄死士以護其世業以壯軍威軍府
有司但定其疆畔治其爭盜毋妄生擾害仍 勅撫巡等
官特加優恤勞問如此則兵農錯布耕戰相協三年之內
殷殷屯屯可以平糴於無事之時以勸農可以擾給于有

事之日以恤事田畝皆困倉糧不蓄而自充棄來鑄者皆
干城兵不募而自足何此之不為而顧為不得已燃眉之
計空竭內儲割心腹且無益肢體哉若謂王制無不稅
之土而繩武人不可以弛法也則膏土茂田忍捐于輿草
之蕪沒而固斬于我軍我民之播種生息乎忍容將領錙
銖為軍士朘削而不欲其且戰且耕以自食其力乎若謂
縣甑待炊不啻涸轍之鮒而江西之挽不及于救也則挖
運發銀一二年間偶一為之以拯其急若以此為蓄糧之
長策則非矣至于勞來安定猶在州縣親民之官時其急
艱而周之察其農事之勤惰而勸督之稽其夫家衆寡之

數而什伍之候其蕃殷然後芻糗之儲蓄民兵之調發無施不可而竊發之寇可不煩官兵而捍禦有餘力矣邊方州縣正官吏缺擇進士之俊茂者銓補有建是議者

皇上既俯採之何銓部之宜行而又不行也或者謂虜騎之咆哮衝突則我馬辟易矣虜之弓矢命中則我兵不可支矣如之何臣等謂避所短而用所長此亦兵家制勝之策也步不能當騎騎不能當車蓋衝車奮擊則整而銳重車列陣則固而嚴聞近年固原等處造有戰車矣何廢而不用乎臣等讀史見宋順昌之捷郾城之捷皆步兵矣以長刀巨斧呼蹕而進虜固馬不及驅矢不及發而潰矣何

不做而行之徒專於弓矢之程況戈矛是戟神槍機砲連
弩之利器虜豈有之而遂謂不可支耶縱馬之不可缺則
茶馬塩馬黠馬牧馬之制何盡驟弛而顧紛紛于買馬責
豈無所歸耶况孳畜之馬虺隤臃腫于江之南北無濟于
戎備而徒為民之巨蠹是誠不可解也調馬於邊或於近
邊之苑監而歲解備用之銀於軍府斯兼利於軍民矣臣
等見弓矢之造偏天下每郡計數千金率為數胥巨猾之
欺冒而徒以散弓枉矢應常額厚取諸民而于戎備無絲
縷之益此又不可解也以歲造之直悉解軍府聽其選士
精造以便給用茲不可耶若謂馬價予扶之利悉歸於邊

恐稽覆之難而侵漁之弊滋此又數米命婦炊之度非所以語經畧之宏規也前數事者在 皇上一號令舉措

之間惟得人而任之為難耳方軍情之未協則撫綏訓定之為難方財用之匱則濟量贏縮之為難方兵威之弛則鼓道振勵之為難可戰而戰可守而守可進而進可止而止則應機轉化之為難事變橫出則鎮定整裕之為難自非本之以至誠之德濟之以不匱之財者鮮能堪此責以紓 君父之憂故必採天下之公極天下之選如宋西北事委之韓琦范仲淹其人庶幾有成績乎若夫兵難遙度事由中覆機不容髮疏不時報則心腹手足之間脉

理之不貫或有之矣臣等請戰守調集之機宜先發後聞
可乎軍中賞罰生殺之柄一由彼制可乎做便宜置吏之
意文自守巡以下武自叅遊以下悉由專奏易置如往年
楊一清之保舉胡經仇鉞等官疏入即報可乎做市租皆
輸幕府之意賞犒支給悉由隨宜專決不以銖兩稽勘使
不得展布可乎圖遠大者無近功而兵家之勝負無定形
請不急其旦夕之效而惟責其成功于五年之上下不問
其城堡小戰之失利而惟取其軍律氣勢之恢張森肅可
乎擬議貴精咨訪貴廣以禮敦辟名臣俊士足為主帥之
師友以贊軍機如古幕府之開可乎遠近士民有義勇絕

倫者許招至麾下優其賞給為軍鋒之冠候立戰功奏請補用可乎此皆朝廷馭將之大制固非小臣所敢妄議然皇上一振宏綱以洗積習頽弛之弊以建萬億年永固之圖則推轂之義固不可以不申事柄之歸不可以不專且重也近日有議河套之復者臣等以為議復河套于今日誠落落不可幾鮮不指為狂易人矣但兵也者勢也弛之則垂翅而委地振之則動乎九天之上信得豪傑而委重焉數年之後可以捧河南地還之陛下不然吾所恃以限隔胡虜者黃河一帶水耳險為彼據而二千里行沃之土使得以收牧豎育于其間異日驅類是騷則驚

固復我故疆承 先烈以固永圖與好大喜功快心狼望
之比者異矣至於郊垌密邇之道孽非我族類其心必異
不密為之防而欲倚為緩急之用非陞之倭夜半之衆何
如哉疾癘已發蓋不待徵往鑒于劉石之禍也此實隱憂
之宜圖而尤不可輕發以起釁潛移默奪要在柄事者之
善處耳若夫衛所徧天下而繫兵籍者皆傭販之夫將領
承世廕而司軍政者率裙屐之子我武之不揚不止邊疆
已也乞大 賜振整自而京以至郡縣之兵一體訓練以
備不虞則克詰戎兵固隆古制治保邦之所急務也臣等

猶有說焉急治其剽故不得已而投攻伐之劑然保和榮
衛為元氣之護良醫恒喫緊焉夷狄其剽也民其本也急
于攘禦之策而忘其輯寧之治饑凶之謂何而催逋之使
楊鏹兢馳于宇內征督不已繼之籌楚籌楚不已繼之械
繫有司承望以苛急里胥實緣以肆姦民之騷擾不更甚
乎周書有之用顧畏於民若是獨不宜深長思乎臣等進
猶有說焉重正治官乃肆征弗庭之本故折衝千里之威
常在樽俎間也今小大臣工果能精白一心罄竭忠悃以
仰承 聖德否乎乞 皇上嚴加戒飭俾自今伊始義和
必明而廉隅之無關可惡必公而賢否之不淆切 主憂

臣等之義而靖恭以匪懈知本固邦寧之訓而保愛以勿
傷熙 內治修而外攘之功不難于舉矣臣等竊叨南垣
仰報無由感切時艱有懷欲盡遂以猥馬燕濫之辭冒干
天聽幸 賜鑒納以裨涓埃此實 皇上不道紹堯天包
地育之至 恩也瞻仰 宸極臣等無任懇悃戰越之至

申飭邊臣以圖善後疏

丘璉

竊惟中華之禦強虜張天討以蕩塵氛乃王師之所以成百勝而振風猷以壯聲靈尤邊計之所以保萬金也昨者胡騎跳梁擾我東鄙賴天威廟略立命陸師殲之河東古北斬馘無算不旋踵而犬羊逃跡焉誠足以伸垂夏之威而洩神人之憤矣然以利害較之孰若先聲振懾而使其不敢來又且豫備周嚴而使其不能入豈不尤為長計哉此則方來之急務邊臣者之責也乃兵部議處十策其於安邊謀國蓋亦曲盡其機宜矣臣等復欲條列規畫以效一籌恐議論愈多徒重邊臣之牽制

耳謹直叙管窺大畧以俟 聖明採擇焉其一曰破邊官
之長套夫邊事之不振皆長套拘之也人亦孰不知其為
非而相傳已久驟改為難於是互相倣效以釀成沿襲之
害而不知其為誰之罪天即如兵馬係一方之保障而豈
堪迎送之疲錢糧竭百姓之膏脂而不惜餽遺之濫總制
之職非不重也而任下官抗禮致軍令之相妨勘合之禁
非不嚴也而借各路通行使郵程之俱憊有往復之金幣
以資禮有泛常之宴會以靡財疆圉事因不共孰乎雅道
以巡撫而薦總督之功以督撫而叙巡按及臣等朝紳之
美功名念重乃甘自處於謫夫諸如此類未易枚舉今撫

許新任總督鎮巡等官除成規良法未為遵守外其餘事
體因循任行整飭縱使振揚少過浮議流聞亦無遽以文
法繩之則脫畧干蹊徑之外可以綽綽然展布其驥足矣
其二曰除邊人之積蠹巧猾之弊何處無之其在邊方為
尤甚蓋疆場之外防禦為急而刷滌弗遑姑息為多而法
網易弛且恐招怨生謗故皆熟視而莫之問耳即如邊土
之擅殺降夷也豈不沮歸附之心戢軍之心貪虜貨也每
至竊窺覷之黠鬼除糧賞可憐寒餒之脫巾攘奪首功不
免英雄之喪氣盜賣以及虛出則廩庾為虛而役占又蕪
買閑則名籍徒具軍地有清查之名矣豪強占據而莫敢

誰何屯糧有徵收之數矣官吏侵漁而無從對照其他百孔千穴蓋更僕未易數也合無許新任總督鎮巡等官盡將官府及地方中累年宿弊次第剗革無分官民豪右但一有阻撓聽指名奏聞以憑究治昔人有言興一利不如除一害正此之謂矣其三曰略邊務之虛文自庚戌以來封疆之吏人人自奮選將也練兵也轉餉也修牆也分區擺邊也條列自宜及奏報功次也未嘗不僕僕然稱勞矣然不務粉飾不涉支吾者幾人哉他姑勿論只如昨日河東數戰說者遂以為二百年來之所未有則前此各邊紛紛報捷凡所謂官軍奮勇血戰斬獲首級奪回遼馬夷

器大虜敗遯出境皆紙上之空言可知矣合無許新任總督鎮巡等官痛加刻勵此後如某事當行某事當罷某事宜請某事宜專務期着實舉行以責成效無徒粧點門面取快目前非但上為國家下為軍民而亦即所以自為其身矣獨不見近年以來各邊之崇飾虛文者豈不徼一時之幸少間敗露而斥罰隨之矣畢竟何益也耶萬一諸臣不悛仍前搪塞聽奉兵及巡按并臣等該科不時劾奏積衰之邊察庶其有瘳矣乎臣等迂見如斯言病而不處其方舉驟而未竟其說竟欲不開事規不煩覆題使得便宜行事各效所長而不敢多岐以亂其心遙度以掣其

肘也伏乞 勅下兵部申飭前鎮大小諸臣鑒前轍之非
遙勉同舟而共濟閫外之事悉以委之諸凡建白注措許
以不從中制焉至於功罪賞罰自有典章在也其各遵
應否通行戒諭一體遵行均惟 皇上裁之臣等謹
悚息企望之至

條陳邊計疏

楊博

准兵部咨該 內閣傳奉 聖諭朕看得東西二鎮虜寇
搶殺至甚防虜之計如何預虞等會文武群臣着實詳
議來着欽此欽遵節該本部覆議等再通行大小官員據
忠殫慮破格講求各令刻期具 奏容臣等酌量緩急會
同 內閣并五府九卿科道各官逐一詳議列款上請
取自 聖裁等因題奉 欽依 伏以 聖鑒 皇上軫念生靈日
匪如分道憑陵東犯薊鎮則九重震驚西犯偏關則三
晉搔動搶殺至甚誠如 聖諭荷蒙 皇上軫念生靈日
勤宵旰 特諭輔臣公同臣等詳議預防之計臣等雖至

愚極陋目擊時艱敢不祗承自昔防虜不過戰守二端而
各邊地勢不同戰守亦自互異即如薊州昌平保定三鎮
有牆可恃虜難保其不來但當乘高據險使之匹馬不入
即為上策山西宣大遼東四鎮無牆可恃虜難保其不入
但當堅壁清野使之一毫不得即為中策臣博臣本固臣
士儋連日面相酌議除重將權明軍令脩城堡等項事宜
已經各官條奏不敢驟及外謹將東西六鎮戰守之機
其大且要者列欵上陳伏望 聖明特賜省覽 勅下該
衙門會官詳議裁定施行及照奉 旨建白者臣等之事
也詢謀叅酌者輔臣本兵之任也至于削去虛文力求實

效者則總督鎮巡兵備將領之責也若使臣等言之輔臣
本兵議之邊臣不肯力任其事或明肆異同或陰行規避
紙上空談譬之畫餅竟何益于安攘之效所據責成邊臣
同心寅恭實心幹理乃今日之第一務也又念兵凶戰危
人情所難朝廷所以驅策之者惟在賞罰有功不賞人
固弗勸有罪不刑人孰肯輕蹈白刃之禍哉近歲薊鎮潘
家口磨刀谷失守總督王忬楊選相繼棄市而總兵叅將
遊擊反從末減是以今歲虜警屢稱敵戰竟無一將請纓
而死可以見其情實矣頃蒙宸斷建繫鎮巡人心始知
警惕而副叅等官田世威劉寶晉進忠吳光裕等分有信

地不能固守其罪尤重亦當先行收問合無將田世威等
提拿到京法司查照所犯一併擬罪以為邊臣縱寇殃民
者之戒臣等不勝懇切祈望之至一定薊昌守牆之議
薊昌二鎮因山為牆延長幾二千里自庚戌虜變以來屢
經修繕河防口古北口黑谷關一片石等處拒回大虜明
有徵驗近因猾虜潰牆說者遂謂牆不可守是誠因噎而
廢食也蓋前年牆子領失守乃通州官軍今歲界嶺口失守
乃河間官軍守兵單弱援兵不至此調度之失宜豈可歸
罪于牆哉合無聽總督侍郎曹邦輔督同鎮巡等官趁此
冬閒躬履邊垣逐一閱視稍有不備即為修補春秋兩防

將調到入衛邊兵分營配搭每路各得一二千名駐劄適中地方猝遇虜衆攻牆令其併力戰守彼仰面而攻我乘高而擊虜騎雖強恐亦未能飛渡一定宣府南山之議宣府東路咫尺昌平其四海冶岔道八達嶺等處俱有通賊要路總督軍門統領重兵拱護南山實以陵京為重連年關外增設墩牆添得重門待暴之義近議紛紛欲將兵馬列於張家口左右衛等處俟其南下方守南山失策甚矣合無備行總督都御史王之誥督同鎮巡等官今後春秋兩防仍照成議謹守南山以慰君父宵旰之懷不得藉口外防致遺內患一定山西擺列之議鴈門寧武偏

頭三關均為山西門戶鴈寧二關外有大同猶稱屏障偏
頭一關西連延綏獨當其衝先年寧鴈一帶添築邊牆增
兵戍守未為無據然邊長八百餘里原守官兵民壯不滿
數萬名曰擺邊實為故事固未見其倚牆拒守如薊昌二
鎮真能遏虜之歸者也蓋薊昌合諸鎮之力為守頗易山
西止一鎮之力為守實難今該給事中張齊議罷擺邊得
之目擊非臆說者但事在關外遽難遙斷合無聽總督都
御史王之誥督同鎮巡等官虛心酌議務求長便具實奏
聞如果可罷每歲設防官軍民壯止宜屯駐適中地方遇
有虜警相機戰守以保萬全一定保鎮防守之議紫荊

倒馬龍泉諸關層峯疊嶂頗稱天險且籍宣大為之屏蔽
虜若南犯諸關勢必經山二鎮即使界馬而馳亦須數日
可到但當明其耳目養其銳氣如果虜犯宣大已入南內
邊南窺洪蔚保安靈丘廣昌等處然後乘牆拒守斯為得
策近年以來先期擺邊不惟空勞士馬亦且靡費芻餉合
無聽總督侍郎曹邦輔督同鎮巡等官每遇春秋兩防預
將兵馬分定地方照常操練必須的有警報方可登牆以
成以逸待勞之計一定大同搗巢之議大同地方外連
朔漠與虜為鄰虜犯山西保定勢必由之先年總兵官梁
震每遇虜入輒率勁兵出邊搗巢故終震之任虜即入寇

不敢久駐蓋牽于內顧耳合無備行總督都御史王之誥
督同鎮巡等官今後虜果深入發兵搗巢冬春虜賊馬弱
之時虜雖不犯我境間亦搗之亦不為過有功破格陞賞
縱有敗衄不當輒加開邊啓釁之罪至于宣府亦可倣而
行之蓋總兵馬芳驍勇不減于震戮力報國此其時也
一定遼東積貯之議遼東一鎮濱海陵夷中通一線之路
一切兵食悉皆仰給本鎮之產且地甚肥饒收成常稔但
鎮人愚昧不肯少為積蓄之計豐收之年粒米狼戾一遭
凶荒坐而待斃如嘉靖三十八年三十九年人至相食食
既不足兵自難振何以責其敵愾之功合無備行巡撫都

御史魏學曾督同守巡兵備等官多方設法令其開墾荒
蕪每遇年豐穀賤虔發官銀糴買收貯仍教諭民間照依
江南規則各自蓄積務為一年二年之備惠而不費事在
可行

重邊防以蘇民命疏

王希文

臣原籍廣東東莞縣人生長海濱習膠陋學雖於國家大體素所未諳然閭閻隱情頗嘗備歷荷蒙聖明恩育選置諫垣臣豈不知要領之當言而細碎之可略亦以泛言不若聞見之為真舉遠不如指近之為切況天下之務莫急於邊防而邊防之害莫甚於海徼天下之民莫困於力役而力役之竭莫甚於東南臣謹以耳目所見聞者披瀝言之且如番舶一節東南地控夷邦而暹羅占城琉球爪哇淳泥五國貢獻道經於東莞我祖宗一統無外萬邦來庭不過因而羈縻之而已非利其有也故來有定期舟

有定數比對符驗相同乃為伴送附搭貨物官給鈔買其
載在 祖訓謂自占城以下諸國來朝 貢時多帶行商
陰行詭詐故阻之自洪武八年阻至洪武十二年方且得
止諄諄然垂戒也正德年間佛朗機匿名混進突至省城
擅違則例不服抽分烹食嬰兒擄掠男婦設柵自固火銃
橫行犬羊之勢莫當狼虎之心叵測賴有右都御史汪鋐
前任海道副使併力驅逐肆我 皇上臨御威振絕域邊
境輯寧凡俘獲夷酋悉正極典民間稽顙稱慶以為番舶
之害可永絕而疆圉之防可永固也何不踰十年而折俸
有缺貨之嘆矣撫按上開復之章矣雖一時廷臣集議不

為無見然且以祖宗數年難沮之虜幸爾掃除守臣百戰克成之功一朝盡棄不無可惜若使果皆傾誠奉貢則誰不開心懷柔以布朝廷威德設有如佛朗機者冒進為患則將何以處之乎其間守巡按視夫頻煩官軍搜索居民騷擾耕樵俱廢束手無為魚鹽不通生理日困皆不足論以堂堂天朝而納此輕瀆之貢治之不武損威誠無一可者臣竊仰陛下控馭西北諸夷恩威並用誠若知其跋扈之狀必不輕從此議也幸今番舶雖未報至然守備已先戒嚴剋虜民船海島生變邊釁重大誠為可憂如蒙皇上重威守信杜漸防微乞勅都察院轉

行巡按御史除約束備倭不致侵擾外仍乞申明 祖宗
舊制凡進 貢必有金葉表衣來者不過一舟舟不過百
人附搭貨物不必抽分官給鈔買頑民不許私相接濟如
有人貨無獲者全家發遣則夷貨無售其私不待沮之而
自止矣番舶一絕則備倭可以不設而民以聊生鹽貨可
通而鹽儋之利皆集矣又如珠池一節雷廉二府雖隸廣
東然地極一隅接壤交趾因其蟻蚌間產名為珠池我
祖宗四海為家雖設監守然不過防民爭奪而已非以為
寶也故採無常期取無定數蓋以非日用之物而難責於
惟正之供如載在會典不與物料為例不與歲辦同征班

班然可考也正德年間逆豎用事毒流海濱監守漁獵牙
爪助威誣商船為盜珠脇鄉民為匿寶傳奉採取擾害百
端蠶食不堪致成激變屢經撫按重臣奏請我皇上御
極沙汰冗員珠池少監亦在裁革民間踊躍欣幸以為中
貴之害可永無而採取之禍可恒免也何不數年而革者
復矣採珠數斛不盈其數而又再採矣一時守臣不體

欽奉固為有罪然驅無辜之民而蹈不測之險求不可必
得之物而計以斗斛之盈若人力可為則誰不奔走奉承
以供君上之用設或天產有限雖舉網竭澤亦何以足
取盈之數乎其間雇覓夫船叢累里甲橫行海島劫奪客

商服役踰年荒棄生業風濤頃刻呼吸存亡皆不足論但以明明盛時而貴此無異之貨且寒不可襦饑不可粟似非有急者臣竊仰陛下於一切珍玩屏斥不好若誠知其採取之艱難必不再為此舉也今雖經行暫止然成命尚未收回領到官銀刻期追取船夫畏罪薄海逃生地方之患誠為可痛如蒙皇上輕貨重民計大畧小乞勅都察院轉行巡按御史除採取已罷工食停追外仍乞申明初年詔令珠池監守歸併總鎮責以守巡多方範嚴禁民間不許僭用珠飾不許私相貿易盜採獲有贓仗者從重問擬則珠池不守而民自不敢犯矣監守既革

則侵漁可免窮髮之民得以樂業而邊備無空虛之虞矣
凡此二事臣素所繫念痛心為朝廷惜大體為民生惜
微命有不容於不言者

勘處倭寇事情以伸國威弭後患疏

李承勛

照得先該巡按浙江監察御史歐珠浙江太監梁瑤題為
緊急夷情及夷人讐殺乘機攻劫敢行叛逆等事又該禮
科都給事中等官張翀等監察御史熊蘭等及該兵部節
次題復俱為前事今節奉 聖旨該部知道又奉 聖旨
是這進貢夷人大肆狂悖圍城劫庫放火殺人拒敵官兵
據門犯禁逆謀顯著巡視守巡等官先事不能關防臨事
不能擒捕以致奔逸入海殺死備倭官員情罪俱重本當
拏解來京但有事之際且都住了俸著鎮巡官督率各官
調集官兵嚴加防守設法追捕務將首惡及創黨日下擒

捕兇問明白并失事官員分別等第奏來處治還通行各該備倭衙門一體防禦毋得觀望推託致悞事機其應石入貢事宜禮部看了來說又奉 聖旨是宋素卿著鎮巡等官省諭說彼回還本國其餘俱依擬行又奉 聖旨禮兵二部會官議了來說又奉 聖旨是宋素卿及宗族夷黨都牢固監候待報發落這事情還著鎮巡官上緊研審明白來說又奉 聖旨是這地方巡視海道及府衛所寨巡捕等官正為備倭而設因循日久人多怠玩致令倭夷不畏中國法度縱橫往來殺人放火甚至戕害方面官員擄害地方事情重大著巡按御史查勘明白叅了來說彼

處鎮巡等官并南直隸巡撫都御史各督所屬用心議處
設法擒捕又近該兵部總議前項事情題奉 聖旨是這
進貢番船進港日久各該官員不行遵照舊例上緊盤驗
以致夷人在於中國地方殺人放火戕害總督備倭官員
失事重情馮恩等并張芹著巡按御史提問明白奏來處
治不許回護容隱賴恩雖無地方之責提督欠嚴本當究
問且饒這遭著改過自新以圖後效劉錦旣情有可憫贈
指揮使與陣亡的張鏜胡源子孫各照例襲陞一級劉恩
及詹尚等都量與優恤其餘俱依擬行欽此除欽遵外臣
等看得前項夷寇敢於中華肆行叛逆各該地方官員先

事不能防禦臨變不能勦捕漫無籌策坐失機宜以致荼毒生靈占據城池劫奪庫藏燔燒官府戮官殺將辱國損威莫此為大及查據前後奏章俱各事涉掩覆而言辭多遁情徇寬縱而功罪未明該部節次覆題亦不過按據來文遷就議擬雖云行勘亦主故常所以屢瀆宸聰多是曲為裁答即今因循日久未見回報不惟賞罰淹留而人心懈玩抑且法令廢弛而欺蔽肆行昨見朝鮮國王李懌奏稱倭奴打攪上國至殺官兵不伏天誅偷生盜境仰仗皇威勦殺幾盡并將賊首二俘首級三十三顆及長箭船牕等物差刑曹參判成洪昌等齎領并將搶回人口

王濂等八名管押前來獻之 闕下臣等相顧動色殊覺
懷慙肆聞中外頗喧物議以為堂堂 天朝統御萬國而
東南疆場之臣忘忽武備廢棄職守及外夷人之不若方
且務要掩蔽苟逃罪譴若不嚴加究治何以懲戒將來茲
照領守三司守巡重臣濫膺 朝廷藩方重任不能協謀
畫策以保障地方海市備倭衙門不能遵守舊規嚴設武
備以防禁禍亂寧紹府衛所寨掌印巡捕大小官員坐視
夷寇縱橫來往於封域之內殺戮攻劫於旬日之久如臨
無人之境界累無捍禦之方以上各官職任雖有不同俱各
無所逃罪訪聞前項一起倭夷到來之時實因各官從事

急忽處置失宜釀成禍亂及至變作劫殺又一籌不展狼
狽失措貽害生靈甚至以城門之高鑰付之賊手以日本
之國號封我倉庫舉火自焚船司差官為賊鄉導聞帥墮
地而走匪民家守臣棄城而縱賊焚劫沿餘姚江吶喊殺
人地方之驚擾可知抵紹興城逼令獻賊府衛之官司何
在且宗設所領倭夷不滿百十餘人而寧紹兩郡居民何
啻百萬今乃任彼兇殘肆意攻略畢竟無與為敵尚謂國
有其人致使蕞爾島夷蔑視華夏蹂躪城郭破壞閭閻殺
死都司方面官員執虜指揮貽國大耻事出非常中間
隱匿事情得於道路傳聞未易悉舉及查得指揮馮恩奏

謂亦曰其間情節隱晦尚多不敢盡露今若止令鎮巡官
查勘回奏竊恐上悞 朝廷事機下貽地方災害法令幾
於不振功罪恐亦不明况巡按御史當時倉卒聞奏稽察
未精鎮守等官身負罪愆豈肯吐實臣等夙夜思慮曾懷
殷憂伏望 皇上軫念海隅蒼生惟此凶變無係裔夷猶
夏事關國紀特遣近臣素有風力才望者一員領 勅前
去寧波府地方逐一查勘前項失事緣由明白分別功罪
等第叅詳奏來然後重行誅賞 大明陟罰庶人心以定
國威以伸而東西邊徼皆聞風知所警懼矣載照宋素卿
本寧波人背棄中國潛從外夷正 本朝叛賊法所必誅

正德年間勾引外夷俱來入貢事已敗露將置重典乃以金寶厚賂逆瑾膏緣特旨幸追天刑今次復因此人激成宗設之變訪聞宗設倭船先到而盤貨在後素卿倭船後到而盤貨獲先宗設內已不平及船市太監置酒命坐又以宗設席次抑置素卿之下其心愈加懷憤構此禍端實為戎首若不明正典刑梟首海濱則將來射利效尤之徒習為謀叛靡所禁絕伏望特勅兵部將今次朝鮮國報獻賊倭仲林望古多羅二名俱遵照明旨送都察院詳審明白案候仍將二倭押發浙江解赴欽差官處令與宋素卿對鞫前項構禍緣由及彼國差遣先後并勘

合真偽來歷具招奏 聞一同處治其宋素卿并宗設黨
與見在監候者中間審有中國從叛之人俱合一體梟首
示衆仍要拘審鄉鄰里老人等根查宋素卿本宗及平日
知情與交通貿易或為鄉導奸細之人鞫問情真照依律
例問擬奏 聞從重嚴禁以杜後患其餘審無他情上請
聖裁合無編發不近海道邊方散布安插決不可令返
國使遠夷知我虛實引惹邊患遺禍無窮再照臣等稽考
載籍日本在東海之中古稱倭奴漢魏以來已通中國其
地度與會稽臨海相望在勝國時許其互市乃至四明沿
海而來艤艫數十戈矛森具出其重貨與中國人貿易即

不滿所欲則燔燔城郭抄掠居民往往為海遘州郡之害
我祖宗灼見其情故痛絕之當開國之初八荒向風四
夷賓服雖西北勁虜亦皆款塞惟是倭奴時或犯我海道
是以山東淮浙閩廣沿海去處多設衛所以為備禦後復
委都指揮一員統其屬衛摘撥官軍以備倭為名操習戰
船時出海道嚴加防備近年又增設海道兵備副使一員
專管可謂防範周且密矣是以數十年來彼知我有備不
復犯邊奈何邇來事久而弊法玩而弛前項備倭衙門官
員徒擁虛名略無實效寧波係倭夷常年入貢之路法制
尚存猶且敗事其諸沿海去處因襲日久廢弛尤甚乃者

宗設作亂大是叛逆得意揚帆入海而去該部題奉 欽
依通行各處備倭衙門一體防禦及貴令緝捕務在得獲
亦復徒具文移何曾著實修舉伏乞特 勅兵部議擬合
無選差官員領 勅前去由山東循淮揚歷浙達閩以極
於廣會同巡撫官員按部備倭衙門親歷海道地方查點
原設官軍閱視舊額墩堡盤驗見在兵器官軍缺乏者即
與換給撥補墩堡圯壞者即與修築官員之不才者即時
易置法制之未備者即時區畫庶使海防嚴謹中土奠安
可以防海壘不測之虞可以壯 國家全盛之勢矣再照
海外諸國名載諸 皇明祖訓者凡十有五而日本與焉

其下註日本雖朝貢暗通奸臣謀為不軌故絕之及嘗觀
本朝吏部侍郎楊守陳家藏文集亦復惓惓以倭夷變詐
兇虐時以刀扇小物褻瀆天朝規年大利不當與之通
好觀於今日之事則皇祖貽謀萬代如見而儒臣論事
後世是徵其應否通貢事宜關係重大臣等未敢擅議乞
候查明奏至之日禮部奏請勅下勲戚文武大臣及在
廷群臣詳加會議上請定奪其羈留編管夷人合待彼
國嗣有遣使到來然後明降詔旨切責一并另議處分
及照朝鮮國迭來被搶人口王漾等八名雖審有鄉貫來
歷亦恐或係潛從倭夷之人合無解回本處官司審有的

確方可發落寧家文查得近日福建市舶太監奏稱有海上夷人數十遭風漂船奔逃海岸乞食被獲即已逐日開給口糧撥軍防守亦欲伺便放歸本國臣等切料此屬恐是宗設餘黨竄逸到彼乞勅兵部查行都察院將倭賊仲林望古多羅譚審責令供稱宗設手下據其所知夷黨姓名若干却將福建見獲夷名比對倘有一二相同即係宗設之黨無疑則當解赴浙江以憑查勘若其非是乞勅兵部亟行福建鎮巡三司及市舶衙門將前項收獲夷人亦要以宗設作亂事情會官嚴加審譯或將一二用刑拷鞫蓋夷情謫詐叵測未可輕信務得真情從長酌處不

許輕易致使別有規避其各該地方官員失於瞭報俱各
作急查提問罪會議回報再照宗設犯華之罪不可使之
竟脫天誅况此賊搶掠中國船隻不任風濤未能返國必
且出沒海陬掩我不備况有侵狂漂掠之虜尤乞通勅
沿海各處備倭衙門整飭官兵脩理戰艦習風候時出海
洋瞭捕務俾罪人斯得 國威以伸而 聖天子日月之
明雷霆之令真足以照臨八表震讐萬方矣

申嚴邊防以弭虜患疏

唐龍

臣惟方強之虜易防以其可畏而人心加警也似弱之寇難禦以其可忽而人心生怠也必其視弱為強處可忽常如可畏斯為有備無患之道矣查得亦卜刺達賊原係小王子下部落被小王子追殺於正德四年內逃來甘州海上住牧小王子下虜酋吉囊俺答等乃時入套中於是手有套虜海虜之分矣今謂之四海皆稱青海是已西通沙瓜州哈密諸夷南通四川松茂等處東通洮岷及鄰莊浪與河套相連彼虜盤據於此往往散之甘肅境外悉夷人口數多以至強盛遂內侵甘涼莊浪西寧等處攻打屯寨

阻塞道路河西之受害慘矣正德九年該總制軍務都御史彭澤調集本鎮及延寧固靖兵馬共二萬前去尋襲征剿行至地名李思牧川賊覘知兵至移營西寧側塘由河以歸德渡過黃河奔四川節子岡遂出松藩茂州直向烏思藏去聞說大兵旋散賊亦仍回海子分留一枝住牧洮州馬迎灘朵約河遂為洮州之害嘉靖三年提督尚書金獻民奏要照依國初設立赤斤罕東哈密等衛事係差撫夷官前去諭彼夷以朝廷恩威令其革心向化聽我撫化就使安插設為衛所許其通貢等因具奏下兵部覆行總制尚書楊一清議得洮虜如瘡結胃腹久而不瘳

將難圖宜密諭甘涼莊浪等將官部署兵馬及調集法
寧固靖兵馬分路而進併力夾攻以驅河西腹心之害大
抵如彭澤之策該尚書王憲王瓊先後總制各因虜管散
遠而在我兵力寡糧草缺未遑為遠討之計嘉靖十一年
正月內該鎮巡官都御史趙載等議得亦卜剌巢據海上
二十餘年今內卜兒一旦傾心向化遣人托帖木哥等屬
番前來求通納款進貢又與帖木哥做親因其來而撫
之以道結之以恩是誠一機會也欲聽從俯處或俾之納
馬酬直或使首領入貢或遣其子弟入質或築授官爵降
給印信建立衛所羈縻不絕大率如金獻民之議也具

奏下兵部轉行勘處間彼時臣初到地方欲議征勦則念其方乞納款似近耀兵陰山之舉而力所未逮欲許通貢則慮其潛蓄姦萌或貽徒我內地之患而勢有可虞方事孰思以求長策二月內適遇虜酋吉囊等擁衆十萬侵犯榆林臣即提兵往勦將主客兵馬分布要害且戰且守虜屢遭挫衄計不能入乃突出五萬由野馬川渡河徑入西海襲破虜營收其部落大半歸於套內惟是卜兒孩帶領飭衆脫走得免兆州一枝聞風惕息亦免出馬連灘朵約河未敢歸巢以夷攻夷誠哉中國之利也隨該臣會同鎮巡官議奏停止前來貢事宜臣又議得滅燼復燃窮寇

轉聞理之所有也故籌邊者不以無警弛備不以敵散緩
圖彼虜雖當散亡而在我隄備之方驅除之計不可不嚴
議行鎮巡官務要加意隄備多方運謀若彼虜飭黨侵犯
卽嚴督諸路將領合兵勦殺用殄後患或仍去投我屬番
帖木哥革課等尤要購之重賞令其計執獻於闕庭庶
幾餘孽不致復滋邊鄙亦可常靖等因具奏下兵部議
得總制尚書唐龍防範制禦機宜甚為周悉無容再議合
候命下移咨總制尚書唐龍查照原議審固謀畧通行
諸路將領等官加意防備若窮虜餘黨敢行侵犯卽便會
合我軍勦殺驅逐以杜後患及傳諭帖木哥革課等屬番

如遇前虜再來投托若能乘便設計擒斬報效 天朝使
邊鄙寧謐則 朝廷重加賞賚題奉 欽依備咨前來已
經通行遵依外隨有彼虜零騎入境節督將領等官統兵
截殺屢收斬獲之效經今餘年彼虜踪跡稍稀我邊聲息
亦減每詢邊人俱聞虜舉餘衆分往四川松藩等處搶掠
以故邊上烽火頗少此正臣所謂弱虜難禦者也夫彼虜
之衆生息雖未能遽廣擄掠則固可漸繁竊恐數年之後
以待四川及邊境人口與番落衆多則營帳復增聲勢復
熾窺伺復起侵軼復興況屬番帖木哥革課等或為積威
所劫或為其甘亂所誑或為其厚利所誘與之連親而合

謀者又不可謂之無也甚至勾引套虜同來住牧構結回
夷為之後先將亦有之酒泉張掖之間豈能不騷然乎積
薪厝火其勢必然未雨徹桑為力則易是故幾必謹於所
忽患貴防於將萌臣前奏所謂隄備之方驅除之計又不
敢以不申明矣如蒙乞 勅兵部速為查議即行甘肅鎮
巡等官厚積芻糧精閱兵馬以為之本乃立重賞廣募勇
敢機警能為胡語之人令其分番暗入海上密探可以進
兵道路再察虜中虛實與往牧去處及戒諭屬番帖木哥
等勿與通謀且購之為間諜布之為聲援果是在我兵食
俱集機宜已審及熟覘彼虜委有可乘之際而我兵之進

無或後難即便星馳具呈總制官處急發延寧固靖竒遊
兵馬與本鎮各枝兵馬取路分進約期並攻殄厥醜類則
河西腹心之疾以除而酒泉張掖乂安無事洮州之警亦
可息矣若或兵糧仍未充實機宜別有窒碍亦戒勿得寡
謀輕進仍務要布方畧嚴斥堠慎烽火守要害密哨探俾
虜默消侵犯之心如其侵犯則本鎮兵馬合力截殺乘勢
追勦以靖邊境庶幾緩急有備戰守無虞是又防邊禦虜
常法也臣不勝惓惓為邊防至計

議防虜事宜疏

許瓚

一曰廣招被虜人口以殺虜勢臣聞前者虜賊入寇也鴟張烏合動稱一萬率多具衣冠而解語言諳地利而識虛實者皆吾中國被虜之赤子也一受彼之駕馭皆為我勁敵驅之戰陣如手足招撫之典雖下而未見響應者豈真以大羊為同類沙漠為樂土哉乃彼誘之之利重而吾招致之道未盡善耳蓋被虜之人其歸中國也出萬死一生之計方得免於虎口及入境之時所在軍將視為倖功攘利之具既幸脫殺戮之禍必重罹誅求之苦所有馬匹行李任意索取艱辛萬狀方得達於官司而研審推問動彌

旬月上者僅抱窮愁為溝渠之瘠下者以含冤抑喪亡矣
是其附狄則有利而無害歸夏則害重而利微雖有懷亡
之思亦且首鼠狐疑如納陷穽而為醜虜刻死以終身矣
為今之計莫若渙發 綸音不拘常格廣恩信寬文法嚴
禁沿邊將士如虜中逃回之人守墩者即引報該管地方
官審其鄉貫來歷願歸者給文而遣之歸免其差役倍加
存卹不願歸者給之行伍給與月糧凡所帶來馬匹衣物
等項盡數給與舊日之愿悉置勿問仍審其進邊日期及
有無指勤以憑查究或有才識過人為衆所信服能偕其
黨歸順者計其衆寡以次犒賞如十人即與小旗百人即

與百戶之類後日能立軍功一例陞用務使故鄉之樂其
於殊俗中國之利浮於左衽不撓不變斷在必行則恩威
所感歸服自衆雖逆虜亦不能保其攜貳之心撫而用之
是以戎狄之技攻戎狄矣若乃離親戚棄墳墓生為他世
之人沒甘為胡地鬼者斷無是理也

二曰團結地方民兵以倡勇敢臣聞前歲虜衆之寇山西
也聯絡四五百里精強者厚集為陣老弱者分布搶擄不
過數十成群三五為隊抱原隰依水草以為固耳使吾中
國之人晝或設伏以襲之夜或潛出以擊之揆之理勢必
見奇功况已著有明例懸重賞以誘之矣然而怯懦猶昔

勇氣不振者或鼓舞之術猶未盡故也蓋戎狄素負勇悍之名其恐嚇於吾民非一日矣至以一人而驅吾數十人不延頸以待戮則影隨而北向者積威之所劫也及其再入也民之耳目頗玩虜之情狀亦知故或伏林麓而斬其首級或乘深夜而取其馬匹是以利之所在故輕生以赴之耳而不才官吏欲攘之以報功藉之以規利審責不休刑罰備至或減其價值或罪其隱瞞名曰首官給賞其實扼拊而奪之也夫履危機冒白刃本以為利已之計反以滋剝膚之災其誰敢為之哉臣愚以為莫若使各處鄉民之有膽畧謀勇者自相團結勿拘聚寡如十人則推一人

為小甲五十人則推一人為總甲百人則推一人為保正之類有司止許記名造冊備照不必時常查點妨其生業賊至之時使得便宜相機審勢除得首級仍照近日題准事例賞給外但有所得馬匹牛羊衣服銀兩之屬不拘多少盡數犒賞不必官為變賣縱有隱瞞亦不許追求禁治違者坐贓問罪務使利重於其害得賞其所失孰不乘機構會奮勇爭先哉今夫奔走天下之人者利而已矣故探珠者入重淵不避蛟龍採玉者入深山不辭虎豹非有所驅迫也視利為重則視身為輕耳如是則人自為戰家自為備矣豈能長驅而入整旅而歸如蹈無人之境也

三曰修築敵敵牆垣以遏虜騎臣聞先日虜寇之入關也
數萬之衆風馳電邁燄燄未及舉人畜未及收而賊騎突
至已彌滿數十州縣者蓋由太原之域地勢曠夷無山川
林木之阻故虜衆得以肆意長驅耳又聞去年虜賊入山
西凡鄉村之間墻垣迂曲而多者人畜可以藏避即少殺
掠臣嘗考古人敵敵溝洫之制大要固在於分田授產而
捍禦外侮亦其疆理之微意也故晉令齊人盡東其敵而
國佐不從曰惟吾子戎車是利今北虜之俗善於馬中國
之民便於步彼以神速獲其利我以淹緩周其防乘今北
虜遠遁之時邊境稍安合無曉諭山西之民凡山川要害

可斷可守盡行修治外他如道途之側田野之間但寬平
可以立營寨遲驅逐者因勢審形盡築牆垣除在通衢者
官派夫役修理其田間則不拘其縱橫廣狹但以各主之
田畔為基址而四鄰共築之務要連綿不絕堅固可久合
於人情宜於土俗如此則無事之時界畔分明足以杜侵
奪之姦有事之日室礙難行衝突不便吾民之避患者易
聞風以收斂而拒敵者可因之以設伏矣彼安得逞其長
技往來捷疾如風雨之不可測哉

四曰稽查功過以勵職業臣伏見二年之間虜勢猖獗殘
害晉省皇上痛念民難赫然斯怒凡選將勵兵督儲發

馬所以衄滅茲虜之策既悉舉行其於三晉之民諄諄然
令其修築關堡守望相助賸探虜情收斂人畜一應民間
避害全生可行之事無不備行防禦矣以上民間事宜部
院必行之撫按撫按行之布按二司守巡等官夫布按二
司官即古千城連帥藩屏王室之官也巡撫一人管理一
省守巡二人分管不過一府兵將攻戰之事固自別有機
宜若夫修築關堡守望相助賸探虜情收斂人畜團結民
壯塞隘修險一應民間遠害全生之事以方面重臣獨不
可為乎且嘉靖二十一年屯堡未立固難論矣虜退之後
即令民間修堡守巡官員躬親巡行盡心督理修築高堅

者自可保民不行親歷督理苟且者見今被虜攻陷夫布
按守巡上而巡撫之所委用下而府州縣之所奉行今連
年巡撫二人州縣官不下二三十員俱已嚴加革黜改調
而言官尚以一二不堪官員歸咎吏部巡撫之下州縣之
上布按守巡宣上達下責任重大夫豈漫無相干合無將
嘉靖二十一年山西各該撫按州縣守巡官地方被虜攻
破屯堡若干座殺擄人口頭畜若干數通行嚴加查出開
坐明白奏聞區處以後如團結修築二事若果可行仍
行撫按責成布按守巡督理如有失事照前一體究論庶
藩屏守巡官員職業修舉可以遏虜勢而安生民矣

明賞罰以靖地方疏

鄭自璧

臣聞賞罰者人主之大柄有功不賞有罪不罰雖堯舜不能善治此言雖籠統論政而用於興師之際尤為切要臣等敢因大同之事一為籌之且軍士叛逆罪惡深重朝廷屢頒詔赦而不信重賚金帛而不從其兇頑慆悍之性犯順無將之勢已可槩見威以刑殺良不為過但陛下好生之德天地與同揚武之餘恐延無罪不得已而為寬假之舉所惜將官軍士姑息苟安老師費財迄無成效揆厥所自蓋朝廷賞有餘而罰不足故也陛下以都督馬永所奏下廷臣會議本日早議得欲令侍郎胡瓚

所領人馬再令馬永帶領本鎮人馬若干一併前進臨逼城下守取首惡如彼不肯擒獻攻城進取等因議擬上請竊惟進兵之說一以全朝廷之威一以弭不測之變今日處北事之第一策也臣等至愚夫豈不知但今天兵臨城渠魁即殲此固生靈之幸設若似前據堅守深屯關握鑰前項兵馬攻進無疑白手平人被賊驅使方攻則拋石下矢者皆本鎮之軍攻開則先鋒受敵者皆無罪之卒鋒鏑之下善惡不分軍士貪功慘酷無忌誠恐逆賊未見誰何而闔鎮平民糜爛多矣且官陞三級銀五百兩朝廷之賞也解人肢體焚人室廬逆賊之罰也富貴之與

生命輕重較然人非狂病喪心未有以生命而博富貴者
朝廷激人以富貴賊徒害人以生命我施其人之所
輕而彼加其人之所重趨避之間審擇已久緣是降勅
切責之旨若罔聞知互相擒捕之文徒成畫餅克敵制勝
固不難哉如蒙乞勅兵部一面照依前議行令侍郎胡
璿等調統兵馬逼壓鎮城一面再請黃榜一紙先行申
諭本鎮似以為天兵此來專為剪除謀殺桂勇家口真
正首惡宗室居民并五堡去逆效順軍士無得驚恐其
總兵及副總兵遊擊等官所統在城官軍平日俱受朝
廷厚恩分當圖報各要奮激忠義整搦兵馬若遇天兵

到日即為內應將逆卒首惡擒出以免大軍進城致有玉石俱焚之慘有功者照格陞賞如再仍前或扇惑訛言或畏懼威劫或私德小恩或牽連戚屬縱惡養亂互相觀望不用命者事寧之日總兵官以下應戰軍卒以上官照失誤軍機軍照謀叛為從等律悉行處死無赦夫苟示之以此彼將謂助逆死不討惡亦死不助逆死於賊手不討惡死於王法與其徒死賊手孰若死於朝廷利可富官可貴而名實兩全哉宋儒蘇軾論諫云今有三人焉一人勇一人勇怯半一人怯有與之臨乎淵谷者且告之曰能跳而越焉其勇怯半者與怯者則不能也又告之曰跳而越

者與千金不然則否彼勇怯半者奔利必跳而越焉其怯者猶未能也須臾顧見猛虎暴然向逼則怯者不待告跳而越之如康莊矣然則人豈有怯勇哉要皆以勢驅之耳夫諫美事也而猶以勢驅則夫鋒鏑之下尚可以言語文字為哉故今日之舉內應為先內應之幾賞罰為本賞罰明則人心勵人心勵則攻守咸宜上全天地好生之仁下免肝腦塗地之苦事不濟功不成者無是理也臣等待罪該科列名會議勿迫之際語不成倫惟陛下採其愚得速賜宸斷而施行之臣等不勝幸甚之至

明戰守以安 畿輔疏

張秉壺

臣於十月二十日欽奉 勅諭前往宣府地方查勘邊情至居庸關乃先請關外隘口通將山後境至脩行採度盡心延訪及役不已是以頗見要領不覺倉皇蓋臣以為患迫南山北之在背之刺防疎東路何翅燃眉之火哉欲待事竣回還奏聞誠恐不量緩急驟有循默正具疏間忽聞喜客以入貢夷人聲息已至有欲搶居庸關進入順古北口出去搶一箇月纔回等語又節間走回人口說虜近來攻堡守鐵不遺今回打擲勾合大眾要便來搶都說好搶等語是虜志益驕貪心無已規吾中國深入則深

得利大舉則大得利臣今不敢效迂緩之談請先以近畿要害戰守機宜望 闕陳之臣惟 京師天下根本而

陵寢諸山實 京師擁護也山後紅明諸口近在永寧縣之南即今所謂南山隘口譬之人身 陵寢諸山是 京

師肩背南山又 陵寢肩背也譬之人居則 京師正堂

陵寢諸山後堂也南山後門也近彼大虞得人嚮道南

山之外已為戎馬之場則後之肩背已受敵矣而 陵寢

三十里之外 京師百里之外則為近邊矣臣惟言之寒

心寢不貼席還往者願思無釋宜大因北若今所慮官府

北路即往 京師山北矣查得九月間之入也自此路獨

石而下其出也徑由滴水崖邊散出夫知出由是路則入
由是路可知也計滴水崖邊至隆慶州城止八十里計永
寧縣至邊止十五里設若大虜更由滴水崖及近突永寧
而入則輕騎之騎直趨南山不日可至其為陵寢京師
之慮又可知也此豈得與從事同論也往者附邊徭恃三
衛為我藩籬之人又為北路龍門所一帶凡皆山險林深
不通大衆之處是以防備獨在所後若今三衛技部附邊
住牧悉為北虜驅迫星散藩籬已空而險深之處皆不足
恃也往者吾中土人未嘗為虜所使若今宣天邊民屢遭
虜掠間有恃猾乃反安其利而樂為之用又有前大同鎮

叛軍青風寨亡命之徒久投羶幕先其所往於是我民之所知路即外虜之所知路也聞前攻隆慶各堡斥呼姓名以報恩怨此又臣之所為寒心也往者宜大諸邊緊受虜患若今獨石之西龍門城至黃河岸界計一千五百餘里近因總督之臣悉心修築頗稱高厚又牆之外浚之為壕壕之為窰窰之為品窖虜騎雖強不能徑突故三四年間虜患暫息凡以此耳近於中路攻牆皆可憑守今惟北路獨石以南至東路四海冶四百餘里輒因沙石難覩財力未逮止於極衝之處修完而已則此二路斷為虜所必窺而後來也况聲息欲搶居庸甚息可知臣又查得嘉靖二

十一年虜由鎮河堡入直犯太原千餘輿無能挫其鋒者
二十三年由膳房堡入直由宣府西路添入及保定易州
而止當時調到三千營之兵合十數萬之衆亦未嘗有出
堂堂之陣者今若由近邊而入呼吸風雷附近人馬勢有
難支與之守猶不暇責之戰又安能迨至報及軍門方始
調遣且若盡合宣府總副參遊之兵除步卒擺守之外所
統征調已計不及二三萬之數而虜騎之至動以十萬為
號少亦不下其半又不知果有出奇之將可以截遏否也
此又臣之所為寒心也臣惟今日邊事無有急於此者謹
即君庸為中按其圖勢而論之八達嶺者居庸直北之門

也居庸以東則為禁山自張家口至韓家口聯絡為隘者十一皆隆慶永寧所轄也居庸以西不係禁山自八達嶺至糜子谷聯絡為隘要緊者隘皆居庸所轄也居庸所轄一口失守南下入山即湯谷蘇林口皆可由之而出畿輔無復阻險矣然尚有新修墻壕頗可為守若永寧所轄張家口失守則直循青龍橋東口遂入西口而所謂湯谷口諸口皆可由之而出畿輔者也若紅門諸口失守則直擣陵寢後山殊無間截而南突之騎即至灰嶺賢莊諸口皆可由之而出陵寢以達畿輔無復阻險者矣紅門之尤為緊要臣嘗聞土木之變虜由海谷口出入已成舊

請之路而青龍西口八達嶺者即其從入之門也今八達
嶺堅完足守則其勢必鞏惟張家口是窺況九月虜之哨
騎已突諸口至青龍橋東口石佛寺而返豈非嚮導者先
示之路而為今日屬意之衝者哉故張家口者亦 京師
近腋之憂所當固守者也雖然所謂口者非真為山徑蹊
間如棧道然別無從入之路也兩山夾擁而隙其中特少
狹焉而已即其路畫牆為限而虜馬登山架梁如飛反出
其上可以徑越彼守口之兵聞皆自擇崖險為駐足之地
懸砲石以待其上衝之鋒所謂技止此耳臣誠過計憂慮
無已兵法毋恃其不來毋恃其不攻不知今日吾所以待

之與所謂不可攻者何也今在目前近計臣猶未暇贅論也臣嘗親至張家口觀之與八達嶺相去二十五里猶有可越之坡若青龍二口則為南下總會咽喉別無岐路於此築牆浚壕務在周全如式預塞其險隘兵守之擇一把總付之似為得策亦不費力也永寧之兵殊不足恃況內地承平日久南山頽垣已城通衢而諸口之外平坡尚多不專於口所能為恃是以反覆念之今日之事必可以戰方可以守適見宣府撫臣調坐營董賜之兵二千已至東路然臣之憂慮猶未已也守口者為口多而兵分待戰者恐賊勢重而兵寡故也若能於此增之勁兵又委專守而

東路叅將及坐管官之兵則使近應北路堵遏之鋒相機
隨處截殺不當緩急入使為南山防守也軍之耳目寄於
鋒砲軍之聲嚮通於哨諜若令調遣草馳策應有恃堅壁
得先收歛有及擎擎錐錐晝夜淮備或者先聲所至姦細
得窺亦可潛沮狂謀不為無益者也臣為陵寢過計又
有意外之慮者蓋嘗總而論之紅門十一口聯列於前此
第一重藩籬也若灰嶺賢莊錐石鴈門德勝虎谷六口聯
列於後此第二藩籬也陵寢有背所托惟有此耳夫有
險可守得人能守則為藩籬不然則通衢矣是知賢莊諸
口又入陵之近門也四海冶黃花鎮皆可徑通之路四

海冶隣邊林谷峻深樹卉叢密賊常至見今人跡蕭然
無敢行者若伺知北虜南下乘虛東窺抑或虜情反覆勾
引相通能無意外之慮乎且南山諸口一失其守而此皆
為受敵之衝似宜更議益以二千勁兵於此置守事寧即
撤去雖有新添叅將選合 陵衛之兵三千然皆內地未
曾見敵之衆猝然有急臣安敢以為足恃也不然較其防
守稍緩者移守於此相助聲勢亦無不可四海冶雖有守
備其可用兵不踰四百此惟可為守株待兔之夫耳議者
皆謂四海冶宜添設叅將一員以防近賊且為黃花鎮永
寧邊之應援保安 陵寢所係不小也臣蓋於此反覆踰

計非苟言者約而論之臣所謂要害者則北路之滴水崖
大虜從入之路不可以不先守也南山諸口 陵寢倚托
之門不可以不重防也張家口青龍口 京師近捷之徑
不可以不扼險也賢莊諸口後山入 陵之門不可以不
加意也擇所要害先以勁兵酌宜守之早謀按伏憑險固
守如懷來幫水谷以西即居庸關糜子谷接界之外口也
有警亦宜駐兵榆林上遏西犯之路下扼南口之險如此
彼見有備未必敢犯而主客諸營一時併集經緯其中併
力截擊亦自有所顧忌又虜騎倏忽剽尤不容遷延左次
即今宣府諸路皆宜整擐預待調遣為頃刻起營之計後

來查勘計日計里有慢期者各該承調官員當即以不依
期引兵策應拏解法司議處合先嚴例預儆庶幾聞敵即
趨應援有恃聯營合勢軍聲自張虜亦不敢深入南下矣
大同正兵頗稱趨雄蓋總兵周尚文不棄據鞍顧盼之氣
又能嚴臨陣先退之刑是以士卒用命敵人知畏以周太
師呼之謂宜 命總督衙門豫合大同正兵及諸路參遊
速整戰具豫待調遣一有警報即令火速馳赴總為京
師保護更不得以主客異心致誤大事其遷延者亦聽查
勘計日計里叅問不分主客不許原情一併同罪臣又惟
見今事勢宣府最急大小將領俱係待罪人員蓋由諸將

遇警雖裹糧坐甲惟法褫氣惟保軍以求自全竟不聞有
提刀略陣義烈發心肯保民以為報效失事之後自甘巾
幘更加懈弛若不早嚴加罪之例雖使搖動京師如敵
所大言者亦坐視如此而已乞勅下該部特行嚴例如
再聯營觀望不併力殺賊及引兵策應不與敵見面者總
副叅遊守備坐營把總等官聽臣查勘情罪應拏解者即
請旨從重處治應照例問遣者仍從重拏解法司青問
應革任降級者從重問遣其肯奮勇赴敵者縱有軍士損
折亦不加罪如有功次非惟准贖前愆仍照例陞賞如此
庶幾將士有所畏懼更思策勵蓋今日之患已在陵寢

畿輔非他處可同非往事可論也內地糧草隨處可依更
不得以水凍草枯如常謾料若所應查勘緣由容臣同委
官見任提吊人卷親歷邊境屯堡訪獲情實及凡所應修
行事宜別待回奏外為此急切先效忠赤輒干 天聽伏
惟 聖明採納速下該部議 請其擇要添兵戰守事宜
付之各該撫臣徑自查度可否施行臣無任過計激切之
至

敷實效以成安攘大計疏

曹忭

臣伏覩邸報近該北虜無道入寇內甸深犯 畿輔 皇上大奮 乾剛片諸不肯任事之臣乃從中指授方略不旋踵間驅逐犬羊奔竄出境京畿數百萬生靈仰仗 天威赫奕 神武布昭不致淪胥塗炭皆我 皇上福祐也臣遙在江藩遙聞驚憤緣臣本書生未計戎務顧復自念虛叨 皇上耳目重寄適當疆場多事之秋又值 明詔陳言之際苟有一得之愚敢自隱忍緘默以負我 陛下虛心之訪坐視時艱而莫之救正哉臣且不敢毛舉細故煩瀆 聖聰臣切見今日之所以釀成外患而漸至邊務

廢弛不振者非言之不詳計之不孰也失在於空言而不能行虛文而無實用耳臣聞之書曰知之非艱行之惟艱臣嘗讀宋史至司馬上五規其一曰務實臣愚以為切中當時之弊蓋方彼時議論多而成功少所以當時敵人亦得以輕易視之所謂待汝家議論定時我已渡河矣方今聖明在上海宇全盛時醜虜氣已驕盈天道好還行常殄滅固不足以重厲當宁之慮然臣則以為議論紛紜茫無定著當事之臣祇以虛文相應及至緩急便無措置如此不已歲復一歲其流之弊臣不知何所止極也夫自醜虜為患以來 皇上焦勞 宵旰廣集衆猷一時建白

臣王先後相望其所以言防守之宜備禦之略亦燦燦然
明著矣然臣言之未見其底績行之未見其濟事何也言
之者一人議之者一人而行之者又一人諸臣之建議也
陛下不以爲不可採而悉下之該部看議是 帝堯詢
謀僉同 太舜好問好察之心也該部據議題覆 陛下
不以爲不可從而悉下之諸當事之臣即便施行是又周
武遺舊篤枯周宣薄伐於襄之心也然而言之者一人議
之者又一人也已而下其議於諸事之臣則其言其事又
有合不合利不利有宜於昔不宜於今宜於此不宜於彼
宜於守常不宜於通變若是則勢必齟齬為諸臣者方且

眩於名實牽於掣肘寧因循度日無敢違衆聲言是議之
者一人而行之者又一人也此所以玩愒之弊日已深而
虜患之來日以近也臣愚伏望 陛下大施 聖斷勅下
廷臣乘時虜騎遠遁敷求實心任事之人責以循名採實
之政求言雖廣用言必當如修邊必求修邊之實如練兵
必求練兵之實如屯田必求屯田之實如馬政必求馬政
之實如清理錢糧冒濫必求清理冒濫之實如召募民間
勇敢必求召募勇敢之實如此之類難以枚舉言言求行
事事求實一言之行求一事之濟一事之施求一效之臻
則精明治功煥然振起而踵承習弊一朝蠟革安內攘外

之弘綱守邊固圉之大要誠在是矣臣又惟禦虜與牧民
不同治邊與治民不同此非得於嘗試曾經慣歷及在地
方目所親見目所親聞身所親到關隘阻險夷虜情偽與
夫料理緩急設施先後便未能真知的見縱使言之鑿鑿
可行亦恐不如身親經歷之為真也自今以後仍望 陛
下急勅總督鎮守等官將所管轄地方一應禦虜事宜悉
心講求多方區畫有何措置可使內地無虞有何整頓可
使邊疆不擾徑自條陳具 奏定奪不必牽於文義泥於
陳言彼既親在地方其於知見必的即此因言求效殊勝
泛論浮談如是則內焉群策畢舉外焉謨謀入告而機非

選制事有責成慶慶預備有方何至臨期無策臣愚偶有
所見故敢披瀝誠悃為我陛下陳之伏望留神省覽
生民幸甚邊圉幸甚不勝大願

採衆言定國是以便遵守疏

王瓊

臣嘗觀嘉靖六年十一月巡撫甘肅都御史劉滌錦衣衛副千戶鄭璽整飭甘肅兵備副使趙載分守西寧道右叅議李淮分巡西寧道僉事高登等勘哈密土魯番事情皆身親歷履真知灼見而發為議論所以定國公是也既以具奏而未見兵部奏著為令永行遵守以致今日紛紛乞無定論趙載李淮高登等之言曰哈密之不固有三忠順王韃靼臣屬半是回回種類外雖臣服內實不服上下之間易生嫌忌一也夷虜嗜利得我金印之權主客夷貢事中間憑藉聲勢勒取物貨西域諸國積成讐恨二也其國

去肅州幾二千里受敵諸夷道路遙遠我難為援三也以不睦之國積疆敵之怨無救援之資宜不免於敗亡矣是以世方再傳遽為俘虜節年經累費我財力隨復隨失迄今未定先日邊臣之議有曰速壇拜牙即亡國之人不宜復求再求安定王孫把刺即宜如陝巴故事立之又曰奄克孛刺之子孫哈密都督宜如罕慎故事立之二說俱皆有據把刺即其詳未悉奄克孛刺故子亂吉孛羅新獲父職見在肅州但今不難於得其人而難於不得其時不得其勢何者哈刺灰畏兀兒二種哈密之喬木也罕東赤斤等衛哈密之羽翼也瓦剌諸夷哈密之輔車也罕慎之

喀密彼時瓜沙苦峪等族部落蕃盛瓦剌係謹慎至親哈
刺灰畏兀兒兵力強盛又乘速壇阿力方死阿黑麻新立
故能鼓舞夷兵克復舊物我量為賞犒不至大費陝巴之
復國部落尚二千四百餘人肅州官軍一千一百員名調
到各該族番兵一千四百餘員名護送過州及到阿赤地
方迎遇瓦剌達子緣奄克孛剌係罕慎親弟又思我朝
恩威一同護送陝巴方能復國而我賞賚牛種之費比罕
慎增多數倍彭清進兵哈密甘肅兵二千各夷番兵二千
仍令奄克孛剌賞誘瓦剌為我鄉導雖抵哈密不能大捷
損失亦多此皆往事可為証鑑目今哈刺灰畏兀兒二種

皆不滿百根本弱矣瓜沙尤為逆首効力赤斤苦峪等族
部落離散羽翼翦矣瓦剌聯姻於彼附合方密輔車失矣
西海達賊西犯瓜沙東窺苦峪勦敵增矣土魯番又無新
立內爭之禍時無可乘矣欲如復陝巴者以復把剌即立
罕慎者以立訛吉字羅我兵非滿萬不可入今河西一鎮
倉廩空虛士馬彫敝善為國者先料內以敵外不務外以
忘內未知兵馬可調遣集否耶縱我能集兵土魯番不復
拒命送彼之國然我能立之能久守之乎彼之根本羽
翼輔車無一可恃恐不旋踵又復覆敗我之糜費甚艱彼
之喪失甚易今日之把剌即與吉字羅其前日之陝巴罕

順乎祖宗封建甚易今日繼復甚難亦獨何哉蓋此時腹
庭諸夷勢方犄角臣彼臣也封爵之外別無所費是取人
以益我施虛名而受實利順而易也今日彼之宗廟立墟
城池坍塌部落散亡甲兵錢糧皆仰於我是割已以餉人
圖虛名以受實禍逆而難也矧今日守成之兵與祖宗
創業之兵萬有不同而又有財之盈縮勢之難易大相懸
絕乎昔范仲淹備西夏建攻和守備兩策亦不過乘時度
勢審已量力隨事制宜而已原兵部議奏六次未允之疏
大要開彼自新之路諭我寄住之番放出先人齎回賞賜
以慰遠夷之心及准新來夷入貢以羈縻其向化之念先

任提督軍務今大學士楊一清上疏反覆以理勢經權為
言尤以脩內治為本是即仲淹盟好為權宜攻守為實事
之意持攻和守備之策酌理勢經權之宜 今日急務正
在於此近者土魯布節次叩關求貢已經議呈奏請仲
淹所謂元昊未嘗卹衆而輒求通順實欲休息國家以生
靈為念不可不納茲其時也合無容其貢使降勅一道
切責徃昔犯順之愆索取先年搶掠之物施不測之恩以
折其姦用羈縻之術以緩其謀彼聽順縱欲反覆數年乘
此閑暇脩我邊備嚴我內治以求守備之策守備之策莫
要於兵與食也方今肅州主兵不足添設遊兵三千其二

千俱係甘州山永涼鎮抽選隻身應役逋逃不時范仲淹
所謂士兵在邊豈徒星霜之苦極傷骨肉之恩久則怨起
此其時也如得移其家室聽其完聚戰則相救守則相安
以前日之法處 今日之兵逋逃或可免乎肅州之兵坐
食者衆耕作者少田皆荒蕪米價騰高范仲淹所謂代兵
久而不代日給廩食月給庫緡饋輸不絕國用民力日以
屈之此其時也昔趙充國興起屯田大獲地利遂破先零
魏武令帶甲之士隨宜開墾大功克舉以 今日之兵倣
前日之法食可少足乎此外或募兵塞下或輸粟河東多
方經畧並行不恃兵食既足守無有不固者矣守備既固

然後徐議攻戰小犯則止用肅州之兵大舉則繼以河西
一鎮之兵再以陝西三鎮之兵或堅壁清野乘其怠而擊
之或分番迭出候其憊而掩之或要前衝後出其不意而
撓之我逸彼勞勝負自判我之勢既不可犯則土魯番之
逆心日消瓦剌見彼通好亦將漸思效順瓜沙諸夷亦必
漸以歸附我復結之以恩以固則必從之念哈剌灰畏兀
兒赤斤苦峪等族依我安妥亦漸生養蕃息復於此時擇
把刺即及乜吉孛羅器宇材識孰可統民為下信服二人
不可仍擇於二族不可則拘別族擇之必務得其人加以
封爵又須懲往昔回達不睦之弊將沙州都督隨從輔佐

并將亦斤苦峪等族大者照依原衛小弱者使之歸併就
於各族內選根基材識者二人如畏兀兒事例授以都督
原族指揮仍聽世襲管領夷衆俾之共輔忠順王然後議
脩苦峪之城如先年事例安插各夷就彼耕牧一以協和
其上下之心一以蓄養其精銳之氣土魯番敢入侵擾小
犯則聽彼自行捍禦大警則使其飛報我兵從而援之固
守此土苦峪既守然後徐圖哈密再候土魯番國內有故
西海達賊無警之險輟處衣糧牛種賞犒等項務令各帶
親信族屬君臣共得二三千人送還哈刺隨住回回種類
不許專權與政仍勅令忠順王通將瓜沙等各族節制

遇有寇警聽其調遣應援各族既統齊心協力哈密自固中間修復處置節目事宜悉聽臨時就事議處奏請定奪施行昔兵部尚書馬文升送還陝巴之日勞心焦思經畧十有五年矣而功始就彼何時也尚難如此今日之議既十五年矣夫圖功者不患乎無時之可乘而患乎勢之不便不患乎無勢之得便而患乎兵之不備孟子曰七年之病求三年之艾苟為不畜終身不得未能有為於今日而責效於十五年之後亦難矣唐澤劉蕡等之言曰即今議處土魯番占據哈密一節有已然之迹有當然之理有必然之勢撫之以恩而彼志益驕震之以武而我力先

屈此已然之迹也順則緩之而不為之釋備逆則禦之而不為之勞征此當然之理也處置得宜則遠服而邇安處置失宜則兵連而禍結此必然之勢也夫所議兼此三者因其議而申言之師不可以輕舉寇未可以橫挑其大者有五焉軍額空存百無一補而兵不足屯田滿望十有九荒而食不充一也屢挫而怯久戍而疲我之銳氣未振長驅而入滿載而還彼之逆焰方張二也我失瓦剌之援而進無所資彼合瓜沙之力而退有所據三也河東臨洮等府甘肅之根本而傷夷未蘇關外赤斤諸衛甘肅之藩離而寒落殆盡四也西南巢海上之虜而防守難撤東北梗

山後之戎而饋餉難通五也況哈密地界群虎之中今若
大發兵糧遠冒險阻彊驅垂亡之部落復還久失之封疆
是送羊入虎口耳掣兵而歸則彼難獨立留兵以守則我
難久勞此皆必危之道非永安之策也昔唐太宗黷武高
麗而後世議其非我 皇帝息兵交趾而天下蒙其惠竊
以莫危於戰莫安於守忠順王之紹封勢宜加慎土魯菴
之求貢理可俯容伏望 皇上以古為鑑以 祖為法以
許貢為權宜索還城池存我經畧之名而漸圖興復旨諭
酋長開彼效順之路而嚴加隄防選任將帥而責其成蒐
補卒乘而養其銳專官運粟河東以濟艱糴之急募民廣

屯塞下以潛足食之源候我無不備之備而彼有可乘之
機然後惟皇上之欲為保瓦刺屯苦峪城瓜沙與哈密
襟喉西城拱衛中華復我太宗之舊規成孝宗之素
志將無不可矣若今日則非其時也宋富弼願神宗二十
年不言兵者非忘戰也亦以中國腹心外夷枝葉不食邊
功不起邊釁以休養中國耳安西唐之故地也淪隔土番
當時欲求其地李德裕曰安西去京師七千里假令可得
即復置都護以萬人往戍何以興發何道饋輓天德於京
師最近力猶苦不足況七千里之安西哉縱得之無用也
哈密猶天德古今一揆敢以富弼李德裕之言為皇上

今日獻若高談衛霍自許甘陳生事外夷勞費中國乃四海安危所繫不可不察臣嘗反復熟讀都御史唐澤等所議知其能博古今之學明濟時之務深加敬服及臣親詣甘肅宣布皇上以大字小之仁神武不殺之威而唐澤等之議賴以不疑果斷行之其曰順則緩之而不為之釋備逆則禦之而為之勞師處置得宜則遠服而邇安處置失宜則兵連而禍結又曰莫危於戰莫安於守忠順王之紹封勢宜加慎土魯番之求貢理可俯容蓋欲善戰不恃兵力防患不忘武備充集議中之要語臣竊謂都御史唐澤當地方殘破之餘竭盡畫救補之力肅州之兵糧漸集

回虜之入寇遭挫雖趙載專任肅州而非唐澤調度則莫能專行澤等不當自鳴言功者竟弗之及公論惜之肅州得捷而弗及澤假使肅州失事能不及澤乎澤南人家屬在邊不服水上疾病呻吟有死亡者澤情無聊每欲疏乞養病臣再三勸止恐不能留及一代替之人喜功生事輕變澤等順撫逆拒之議專恃兵力不尚德化流毒軍民貽患地方如前日之事雖畢竟罪有所歸如生靈何如地方何如伏望 皇上以堯舜敷德格苗為心恪遵 祖宗通貢黜廢舊規不為群言搖惑特 勅兵部查照唐澤等前項原奏處置哈密土魯番順撫逆拒事宜定為國是著於

籍冊頒行甘肅今鎮巡官謄寫懸掛公署永為遵守仍
勅吏部如遇唐澤遷轉照例用北方年力精壯之人訪求
識見如唐澤者推用接管處置則畫一之法世守不失而
邊境永得保安矣

陳永議以備經畫以贊安撫疏

張 鹵

臣惟方今天下之患莫大于邊陲而闕然之憂已見于眉
睫然在外既大有可憂之形而在內殊絕無可恃之實不
待有識之士始為寒心何者我祖宗以迅驅胡虜平一
天下其曰強曰盛振古一無今甫二百年來在我之強盛
日削而在彼之萌蘖日遂終先帝之世辛丑則度入三
關壬寅則遠薄澤潞至庚戌則飲馬鳴鏑直逼畿甸甘
泉烽火近憂宸居自今觀之于時雖號深入未至城邑
失守今東寇則幾陷昌黎而三輔之慘禍益深矣西寇則
已陷石州而三晉之蹂躪益甚矣其前首黃台吉猶踞伺

近邊未嘗輕動夫其動不輕則其志不小以先帝甫集
群臣陛下新登大寶人心望治方切而逆胡陡橫如此
臣雖書生不習戎事然日夜疚心如狂不敢不以腐儒執
古之議上應明詔而畢獻于君父之前也臣惟夷狄
之敢欺而中國之最歉者莫不曰卒伍之不充也將帥之
不勇也軍法之不明也成筭之不定也臣謂四者皆可卒
辦其最難而不可卒辦者莫先于無食無食則旌旆帶甲
其孰與養故卒伍由之以不充方召衛霍其孰與尊故將
帥由之以不任欲明軍法雖呂蒙能示覆鎧之信穰苴能
嚴後至之誅無食則徒足激變而取尤欲定成筭雖諸葛

亮抱隆中之策趙充國富金帛之畧無食則徒以空談而誤國臣故其一曰裕兵食然食之為用有節制之常經有濟時之最急臣待罪該科嘗具有公疏所以括籌度于節制常經其說頗悉茲臣復謬議于濟時之最急者得其說有二鹽法者祖宗用以輸邊號曰飛輓然天順成化中以常股供之而有餘今不惟常股加以存積不惟存積並以工本近工本之外又允益餘鹽鹽愈加而用愈不足此何說也且淮鹽原額六十萬引在天順成化間每鹽一引價祇二錢有餘今每鹽一引加至五錢或八錢價愈多而用愈不足此又何說也雖曰兵備日增實以鹽法日

壞蓋重價留難夾帶私販 朝廷既有以病商而開中交
納收支銷繳商人亦重以滋弊加以賊臣鄢懋卿假名盜
利弊更莫支近復令稿邊諸臣隨在講求亦非專責其在
各該鹽法御史雖有專責但以天下因循久敝之法而不
為振新破格之舉恐終屬之掣肘難行臣嘗思昔宋皇祐
中開陝鹽法大敝得范祥制置其事遂使其利大興又如
我朝弘治中沿邊馬政之敝極矣得楊一清整理一行
迄今永賴今在 廷之臣豈無有如祥如一清者乎臣願
勅下廷臣會推才力庶正大臣一員總領制置鹽法事宜
凡權貴豪右黠商貪賈舉其害之大端者而其他可知悉

聽抵法如解池之塩遺太半而苦于撈取之不時餘塩之
利尚可取盈而拘于解額之已定舉其在解池者而他方
可知悉聽規正招商既衆則開中本色可以議復鹽利既
多則每引價銀可以議減限其三年功成事定方復命
還 朝果其弊盡革其利大興于軍國大務有裨許科道
諸臣指事薦揚以軍法論賞若仍循故套上負委托許科
道諸臣指事糾劾以軍法示罰 朝廷能懲懋卿之誤以
用人而人敢有履蹈懋卿之轍者固法之不貸而理之必
無此一 勅廷臣詳議而塩法之實用可圖也開納之例
祖宗原以待有事之用 國家頻年以來顧多用于無事

之時往事不可追矣今當備查近年節開事例急開于薊遼山西宣大緊關諸鎮為酌其地里量其時值定為則例令諸人俱于各該處所上納本色實收到部方許給授然部司與邊關遠近不同納銀與本色貲費不同于此若不加調停則民間莫肯應例吏部臨期又當于遠近貲費之間折其倍数或減其注選年資或優其授官等差則事歸均一人可樂從此一勅廷臣詳議而開納之實用可圖也若本色一尚則屯田可興所謂濟經干權實為永利此馬不圖則國之賦既無經而民之貧已到骨萬一事出倉皇公私無措其不至如漢之算舟車唐之稅間架宋之

免天諸錢以為新政之累以貽後世之羞者不但已也
其二曰簡士卒古稱善用兵者以少為多不善用兵者雖
多愈少今以薊鎮一邊聚兵六萬誠非不多也然事無當
實名多虛曠客兵苦于道路之疲勞班軍困于顧覓之煩
代主兵則零星分布瞻顧弗瞻中間且老弱不堪十居六
七當事者恐致脫巾激變皆一任姑容漫不可否舉一薊
鎮而他方可知所以耗軍食損軍威連年迄無成功者職
此故也臣願陛下特降專勅著落各總督官員將所部
兵卒一一精揀實閑役占按治稽覈至老弱不堪于客兵
則退還本鎮以易精強班軍則嚴行各衛解發原役主兵

則先儘本役以換餘丁無已則收存月糧缺名不補果得一卒精強足當二人之用則寧兼二人糧餉以養一卒之力定限半年以裏清結奏報唐破突厥于定襄只用三千人國家在曩時土木之後兵多戰沒勢甚阡危定襄侯郭登尚以八百騎精卒破虜衆數千于枹榆山前後能成戰功第一者用此道也邊軍既以精實士兵凡宜兼用士兵者屬兵于農前古良法國朝之制向惟城守不以役邊蓋以既勞民以養兵又復勤民于遠役朝廷仁天下之心固有所不忍也豈知朝廷雖賸有仁天下之心而斯人何嘗享一日之逸以臣所見于山西者言之在首

里以上縣分莫不各有民壯幾二百名內有視民壯尤精者為義兵視義兵尤精者為快手亦各不下四五十名總之亦幾古侯國一旅之師每名歲給工食銀七兩二錢間歲起邊又出協濟歲費銀約三千兩有奇其百里而下及五十里而下者遞遞相參亦各稱是夫役民如此甚於多費民如此其浩繁求其實用數年以前任督撫者惟取解工食置人不用以填谿壑近年以來雖以修邊為名徒見倏忽往來茫無績效至留備城守者又苦被不才官員等已應該早役徵取編銀獨以此為在官無附著之人任其占用遺差以恣跟辦臣故曰朝廷雖有仁天下之心而

斯人未嘗享一日之逸者此固其明徵也今莫若因其舊
有之制整其極弊之法于此見有民兵重加精選凡近邊
五百里州縣尤宜減其雜徭泛役于此更加名額或兩戶
抽一或三戶朋釀如見有精健人丁即令逐名應役不則
凡里中豪宕任俠者聽其願替應當再申飭明法有司如
仍有私役民兵一人即以私役軍人律例擬罪仍將前項
工食再加增數本門差役盡與復除該道守巡官員停分
所屬地方各專提調仍將實在額名開報督撫軍門聽其
分番調發臨近邊地無事則互為保伍以習兵法有事則
行陣分屬以隨征戰既可驟致增兵之實又不更議養兵

之費善莫有善焉者或者有曰民兵役邊原非舊制不如
詔沿邊州縣有民之願從軍者即厚其信賞著為兵額臣
愚以為 朝廷貴于得軍之用而不在于泥軍之名蓋起
民兵以役邊者乃從其所舊有而定民以為軍者為駭其
所難知此漢用六郡良家子以禦匈奴則法行而威震宋
刺義勇徒以資非議之紛沓也其三曰選將才夫古之將
帥或出于士卒或出于奴僕或出于罪人惟不次用之乃
為名將今 朝廷遇將之恩雖厚而取將之途大狹凡總
兵叅遊指揮使名銜不叙資級則不預銓補夫 朝廷不
能脫尋常之例以用人而欲人建非常之功以報 國馭

將之術不如是也我太祖高皇帝嘗曰天下賢才未嘗
乏也謂臯夔稷契不復生方叔召虎不再出是薄天下之
士今軍中衛霍闔外干城四顧寥寥殆不多見豈我盛
世人才獨乏于異代乎無乃脫去常格所以求之者有未
至耶臣願陛下特勅兵部都察院轉行各該撫按衙門
敷宣詔旨加意旁求如有智勇絕人韜畧素諳得于廉
試真切不拘其人之倫類名目即以禮羅之上于兵部兵
部再得于廉試真切即當請于陛下一置之行陣攻取
之間先為明立賞格果能斬將奪旗及獲取首級若干顆
以上即當授之綰印登壇秉旄開府人與激勸不問資格

君將更為武舉立一制科而不盡為武舉拘焉其揮霍
所弛之士皆將率下麾下行間而將才不可勝用矣其四
曰明軍法人情其賞也不及時則不勸其罰也不威衆則
不懲將帥者固時君上之賞罰以糾衆而成功者也使
君上誅罰獨行于將帥而將帥之威信不行于軍中欲得
人死力以成功也難矣我太祖高皇帝命將之制詞有
曰古云將在軍君不與者勝而周官以司勳繼司馬之後
欲賞不及時也今旁制多岐將摧削弱管人數十皆當有
關白雖尺布寸帛之給必經年越歲而後至此何理也臣
願陛下特降勅軍門開示數條自今凡軍人逗遛違慢

者其馘斬之權百夫之長即可行于百人千夫之長即可行于千人其總督鈐轄又惟專于將領精覈以綜體要其臨機對敵應用賞犒皆當任其出給司紀察者亦惟後事盤稽不得當事阻撓欲祛頻年之積弊而振久玩之人心此固尤為先務其五曰定成筭蓋先事制敵之大計在君臨事應敵之活法在將所謂成筭者固制敵之大計也朝廷必確然以素定之中外必曉然以預知之然後圖惟專一績效可成如南仲城朔方吉甫代獬狁所謂周人得策以能先辨此今用人也則功罪不分其畫計也則是非無定以功罪不分之人而循是非不定之法無怪乎人心

愈失兵機愈左而天下之患且甚一日也何以謂用人之功罪不分如本兵以調度于中督撫以宣防于外中外既分責任攸別若在内當有先事之圖而本兵失之則罪本兵也必無赦若在外果有取勝之機而督撫失之則罪督撫也必無赦今各該總督巡撫已蒙有 詔旨切責將分別其情罪而處分矣獨兵部尚書郭乾之去也臣有莫知其故者臣固非惜乾之去也謂夫乾去之無名也何者當 朝廷之用乾得非以其文歷邊陲能知兵事而從衆望以 簡命之乎使既用乾而乾果坐失軍機情罪重大則按而治之可也使其任事有得有失則據其得失之多

寡而為情罪之重輕可也若果無失則固當切責以圖後效既而乾去矣乾去而乾之屬職方郎中何源又去矣及問其名則皆以謝病行初非有微罪去夫當主憂臣辱四郊多壘之日而為本兵堂屬者皆漫然去國則此後賢者感憤于任用之不專不肖者樂乘于機會之甚便皆將束裝荷檐其心惟曰使明年虜寇再入吾當即為去國謝病之人矣夫人情大賢以下必有不可辭之責任斯有不客己之施為使臨事而有易辭責任之體例如此後之當事者欲望其有死之心無生之氣就勞任怨以為國家樹無疆之業臣恐其道不如是也臣願陛下自今下諸

臣擇之必精信之必專任之必久待其果至過惡顯著然
後復明行不得已之罰俾罪狀昭然人心懲戒故曰孟明
不遇秦穆以之擊鼓而有餘李廣之不以有罪廢者武帝
之明也何以謂畫計之是非無定夫禦戎之策非戰則守
今味議交爭咸建撤擺邊之議夫擺邊之不能大有裨益
固矣然各邊事勢不同隨時戰守自別必待如臣前練兵
練兵之說的有成效于時士馬精強人皆可戰使零賊數
百騎而下皆不敢窺我疆圉則擺邊之役不言可撤若擺
邊之卒遽盡撤能戰之兵尚未練將致彼此衝決戰守交
失恐舍戰而專言守者既已誤天下于二十年之前舍守

而專言戰者又將誤天下于既多事之後臣謂薊鎮之兵
邊難議撤他鎮之兵可撤而亦不可徒撤者此大計也六
曰勵精勤語云多難興邦殷鑒歷聖故自古人國不能必
外患之銷而貴我有自修之實所謂自修之實者君勵精
以作臣臣勵精以任事耳臣見自邊方多事以來 聖心
憂勤臣工祇畏固可謂備切交儆矣然臣獨以為 陛下
內有憂勤之心而外無憂勤之跡故致臣下雖切任事之
忠而茫無底績之效何者昔宋慶曆中元昊反仁宗為之
罷經筵其崇政殿說書趙鼎進言有曰帝王治經不獨
玩空文占古語也今方外小有事臣等即不復進見是為

先王遺籍可以講無事之朝不足贊有為之世臣愚以為
過矣既而仁宗嘉納黃曾公亮以講學無倦是元昊之不
能為嬰脣病者固韓范富歐有以經營于外實以仁示勵
精一念有以鼓舞而默成之也我 祖宗因寒暑暫罷

經筵冬夏俱有定期昨十月中乃先期數日 陛下于經

筵日講俱報停罪雖諸王相繼陳說竟不蒙 俞名夫以

聖學素崇 聖心豫養講學之期視 祖宗早罷數日固

亦何足為 陛下嘗議但 陛下常此寶極新登邊關多

事即此講學一節能視 祖宗多加數日是昭夫 勤勵

之心領早罷數日若示以厭數之意天下事固未有君心

厥敦而人臣得以等功于下者臣故謂陛下內有憂勤之心而外無憂勤之勤致臣下雖切任事之忠而茫無底績之效者為此故也臣願陛下戒之慎之上畏天心付托之隆重仰思祖宗創造之艱難監州城失陷之漸其防不可以不嚴痛天民屠戮之慘其讐不可以不復講筵雖可暫停矣臣之所謂勵精者固非獨講筵之一事也臣願陛下自今于每日視朝之外或間日一出或旬日再出臨御文華殿或平臺論召內閣文武卿佐省臺侍從之臣顧問叮嚀延訪六機圖惟治道果詢謀有得如某言當用某策當行某刑當與某獎當革隨震

天威一新 聖斷夫 天威一震萬廢咸興 聖斷一新
羣衆自息則方來之福有不難興匪茹之虜有不難格此
其事若在 陛下自盡無難而時勢轉旋之機天下安危
之大惟將下是決之固不能外是而更有他圖也惟
陛下裁度臣不勝惓惓至望

經畧邊務疏

李棠

近該總督宣大王崇古等題稱酌議北虜乞討通貢緣
由條例八事該兵部題奉欽依刊刻成冊分送應議諸
臣會議重複審酌詳議上請奉聖旨這事情你們既
酌度得當務依擬行還着王崇古悉心經畫務要穩妥仍
督率總兵等官加倍防守毋得因而懈弛以致疎虞
欽此原引以仰見陛下制御夷狄之道安不忘危之心
所以責成任事重臣而叮嚀之者至矣崇古復何所辭敢
不竭心殫智以求無負陛下委任之重乎夫已成之勢
易圖而未然之情難覩故不徒苟安于目前而必思預防

于事後事無常形而必使在我有常勝之勢所恃者以有
備耳難成者機也易失者時也乘其機及其時急為之備
經畧不可緩矣經畧既定臂指隨使恩可施威可加羈縻
可久可撫可拒可戰可守執其樞而應之無不可者不然
曝肉以伺鷹空拳以搏虎恩流於納幣威由以構怨而口
任事曰久任其誤事豈小小哉今有隱憂者不在俺答夷
酋之多詐而在板升生齒之日蕃不謂其將來之無患而
深慮板升之未歸今日之舉非盟非和叛服難料不可恃
也就其事情事勢處之耳若以為即可相安于無事之天
不敢保也若非乘時及機急求其可恃大為整頓有以傳

之為可久之圖則經畫未必其穩安防守未免於疎虞適以墮詐謀而滋禍端矣臣不敢避嫌謹議其急於經界者有六為 陛下陳之一曰修邊古稱天子有道守在四夷王公設險以守其國故增兵置若增險 國初設大寧城于山後設東勝城于三陣城之東東直抵于遼陽西直抵於甘肅東西聯絡列鎮屯戍連為一邊山川阻隔虜人不敢跨山踰河而南牧雖時侵擾亦易以禦 中國之人亦不敢逃虜去亦即思歸以無可以生也自後棄大寧而守東勝宣遼之勢始分又失東勝而河套之虜始入又失河套而形勢弱矣然猶賴都御史余于後秦紘楊一清王瓊

馬文昇劉大夏等總畧諸臣條築崖墻深廣濶塹審擇要害增城墩堡置敵臺謹斥堠有外邊之險有內邊之險米亦可拒也逃亦可追也因循極壞於嚴嵩父子二十餘年間權門一開用匪其人撫臣日望遷轉將領惟知饋賂內外之險不備墻塹之迹徒存虜騎得以縱橫東西任其出入生靈極其慘毒財物悉歸糟粕日惟媚虜通虜之術是用可忍言哉今復苟延歲月偷安自保虜氣日驕板升日報以中國之人為虜之用日移日棄愈逃愈近不知將來所失又何如也為臣者受恩深重忍漫然自觀而心寧乎陛下寧忍坐待其困敝而不知救乎則今日汲汲

於修邊以設險求其遺跡而變通之其議不容已矣一曰
足兵夫城堡堅要害固斥堠謹則求可禦去可守而屯戍
卒伍豈可少哉 國初沿邊戍守各有定數有操兵有調
兵兵非不足也傷殘千槍殺戰歿之多流移于饑饉刑役
之苦有其名不足其數實數不足其用練習未豫而優恤
之恩寡也故練兵必先實其實兵必須恤兵方可揀擇
強壯稽覈逃情嚴實開役土著之民查照先年李綱余子
俊王質楊一清戴金等題行事例審而行之而後軍伍可
充戍守有具及今修邊開屯一應役使之人悉於召募內
選用領工工完即罷不復為例其原設屯戍操調軍伍悉

仍舊差而愛養之萬勿後使并那減糧食致生怨尤今既
禁而搗巢趕馬媚虜私易而將官家丁又不得冒功陞賞
則必籍此鼓惑以起事端工未就而內變作如之何其可
也以召募輪番用工以原額選揀練習險乃可恃所謂效
死勿去地利不如人和勇敢之氣日倡率作之功可期此
足兵之議不容已矣一曰足食古者寓兵于農食足而後
兵可用也養軍之費不以煩官則用自裕軍之自養悉出
于田則家自給今各處地土皆古之邊郡也趙充國以全
取勝先陳屯田之利 國家立屯政之官故有屯軍有操
軍有守城軍有調遣軍卒四人食一人焉其制固存也今

或以荒蕪或以典賣或以占種而屯田之法壞矣夫邊地雖
未皆可墾而必有可墾者及其可墾者以召募為之官
給其資民盡其力或令軍民自種無事則耕有事則守清
查其畝額而量徵其科稅就近轉輸為力則少乃查照先
年創大夏楊一清等開墾召募事例便宜行事務使蓄積
有餘邊儲不匱不惟糧食而內帑可省軍民以有養而
邊移亦少此足食之議也一曰理財 國之大計財用為
急今欲修邊則有用功之費足兵則有召募之費足食則
有屯墾之費其在軍中者有月糧之費有行糧之費有軍賞
之費其在虜則又有入貢之費有撫賞之費有補市之

費必皆動支于官而不可取辦于軍仰給于內而未能遷
盈于外則戶工二部於茲不可不講也天之生財止有此
數國之所入亦止有此數而請取無窮一或告乏何
以繼之臣請戶部會計開納事例銀兩若干前後抄沒財
產銀兩若干及天下各項徵解錢糧銀兩若干存留京
用若干專候邊用工部會計開河修河各項營繕錢糧已
支若干未支若干以若干相應存留以備邊用不急之功
一切暫停南京工部收積地租草場各項銀兩若干俱應
查存不許冒濫又用以備邊用惟太僕寺馬價不許借支
以備召軍買地之需仍將各處查盤錢糧已未解到數目

通行查催各省供遣錢糧已未支完數目通行查明請
差各該科臣會同該部實心體國一二料理的確應否
裕用務求邊費可繼二三年後事有成功以漸而舒先勞
後逸伏望 陛下節用惜財以儉德先天下留有限之財
濟邊務之急固祖宗之疆宇保生民于熙皞是大慶也
此理財之議也一曰用人夫邊鎮之才雖殊腹裡秉賦剛
柔雖分南北大要以通方忠謀廉勤強幹為用總督總兵
文武大臣固皆極其選者尤莫重于巡撫邊方巡撫其任
最重徃以希望遷轉之速殊無經遠之圖是以不奉總督
之令巧為規避之術坐致邊事之廢積弊至今今若詢舉

未稱依違苟簡而獨責成總督難矣自今邊防巡撫務求
實心幹理經濟雄才非兩考不遷總督總兵兵備將領凡
係邊臣俱要久任者遷超超遷者久任人有固志事有遠
圖然兵備分守守備副將遊擊指揮而下皆有地方之責
府州縣官亦有委任之事合無通行查揀一番不堪者邊
方改調腹裏堪用者腹裏陞調邊方各舉所知各隨器使
或可以修邊或可以練兵或可以屯田各盡其才各成其
用邊事庶有濟矣此用人之議也一曰重任古者藩鎮節
度之臣專制一方錢糧軍馬調遣發給偏裨將領然將官
僚俱得自慶攻守應援隨機自便人堪任使動無牽制是

以權重而法行任專而事易今者事必待奏奏多遲疑持奏者之議論不同同事者之意見相左是以節制下移於抗違督率每撓于欺玩號令不獲自由兵餉難乎急應精神耗困于文劄之煩冗志氣消沮于展布之危艱雖欲運籌帷幄之中央勝千里之外其可得乎臣請自今假以便宜之權獲專閫外之寄事關大計必須奏請可以自處徑自施行言官必不苛細過求少寬文法俾可自效巡撫將領以下悉聽節制至于追論一節人所深畏是以欲言復寢欲為未敢必須朋奸黨惡誤國亂政方可追論若心誠為國事涉差錯亦當秉公原情豈容挾私傾陷

播弄胞臆致傷國體臣請毋得槩及庶乎人無碩忌而
經畧可見事有責成而委託不負此重任之議也臣之末
議何敢自是一念惓惓實懷隱憂先帝每恨邊疆無任
事之臣以致邊事廢弛之久每一思先朝經畧諸臣為
謀之忠痛連歲生靈塗炭之慘未嘗不長嘆太息思欲為
久安長治之策而未得今聖德格天大開太平之治故
使從古所未服之屬酋倏然款順又如王崇古等毅然自
誓且才謀周慎足以當之此所謂機與時也伏望陛下
以繼述為大孝日與大臣謀畫修攘銳然講求法祖宗
之心以成先帝之志欲安天下靖疆圉保太平有道之

長勅下吏兵二部慎邊疆之選嚴久任之法不拘常格
不惑浮議激勸有方務求實用其在武職惟以安邊受實
不以小勝為功考選之期一例超遷不分文武實畫懷柔
處置得宜勿啟黨端大昭朝廷覆育之仁務求所以昭
揀拔升之術以此為功特加顯擢偷情愼事重行論罪
勅下戶工二部經理錢糧務備邊用選差庶明邊即管理
仍差風力御史稽查毋惜經費毋使破冒以便二三年接
濟期于成功為上毋分彼此共圖實効合行事宜通行邊
鎮督撫鎮巡等官作速奉行修飭整理免圖安攘毋從空
言玩愒更祈申飭大小臣工各秉公忠官府相為一

體中外不宜異同輔相協和文武兼濟惟以國事為重
保邦防患是急深為遠計永底咸寧久安長治之策無出
此矣